

「至正」

金陵新志

十九

金陵志

卷十二

商

金陵新志卷之十二

古蹟志總叙

自古國家有所興造曷嘗不覽前代之制而爲之損益凡人之衣服飲食居處文爲其始曷嘗不因踵前人之遺緒而稍加異乎昔黃帝鑄鼎荆山接萬靈明廷其崩也羣臣葬衣冠橋山禹鑿龍門伊闕疏九河會諸侯朝羣臣於茅山會稽其崩也葬會稽漢時泰山有古明堂遺趾而封泰山禪梁父者七十餘君此非載之史冊誦於學士大夫則其盛節遺風泯焉不傳豈不惜哉金陵雲陽之虛有古帝王遺跡書缺漫不可詳繇秦漢以來爲都者八爲藩鎮治所無慮數十賢人君子相與憂勞治其繭絲保障歌哭於斯者多矣其典章制度與時因革者既列前八志復紀識其城闕官署第宅陵墓碑碣著其時制在所俾觀於古者有考焉傳言墟墓之間未施哀於民而民哀宗廟之間未施敬於民而民敬此言人之善心油然而感於所見矧其善惡成



敗之蹟足為勸戒者乎述舊章覽遺事作古蹟

志金陵歷三吳二宋總名古蹟年月詳見事下

城關官署

考歷代城關官署以類附見

古固城春秋時吳所築也在溧水州界乾道志

緬六十一里高丈五尺羅城周七里二百三十步

子城一里九十步按勝公廟記固城吳時瀨渚

移瀨渚於溧陽南十里改為溧平縣平王立使

蘇乃為將戰敗吳軍以吳陵平縣改平陵縣

聽費無極佞言伍員奔吳闔閭用為將舉軍破

楚固城宮殿逾月烟焰不滅其城遂廢又按笠

澤叢書溧陽昔為平陵縣南十餘里有故平

益末詳也圖經乃載平陵於溧陽載固城於溧水

平陵即永出城其一則在唐溧陽南十里吳所

置也與固城東西相去已遠圖經之說為是故

嘉定溧陽志歷載永出唐縣平陵三城而景定

郡志咸淳溧水志猶言固城亦名平陵則失於

不考嘉定志耳但勝公廟記嘉定志以爲未見

全文今亦不知何時何文以蔣日用城隍之記

言之唐立溧陽至開元近百餘歲記若指此為

古固城

春秋時吳所築也在溧水州界

乾道志

緬六十一里高丈五尺羅城周七里二百三十步

子城一里九十步按勝公廟記固城吳時瀨渚

移瀨渚於溧陽南十里改為溧平縣平王立使

蘇乃為將戰敗吳軍以吳陵平縣改平陵縣

聽費無極佞言伍員奔吳闔閭用為將舉軍破

楚固城宮殿逾月烟焰不滅其城遂廢又按笠

澤叢書溧陽昔為平陵縣南十餘里有故平

益末詳也圖經乃載平陵於溧陽載固城於溧水

平陵即永出城其一則在唐溧陽南十里吳所

置也與固城東西相去已遠圖經之說為是故

嘉定溧陽志歷載永出唐縣平陵三城而景定

郡志咸淳溧水志猶言固城亦名平陵則失於

不考嘉定志耳但勝公廟記嘉定志以爲未見

全文今亦不知何時何文以蔣日用城隍之記

言之唐立溧陽至開元近百餘歲記若指此為

大五十一

金陵新志卷十二

二

吳晉

遊歷之地不記圖志所載云何歸舟解纜渡湖
水財數尺然亦瀰漫其中多葑九三
石橋地約五里至太平州河口兩岸多民居
烟樹如畫稍前即永豐圩夜泊黃池鎮鉅固城
湖已百一
十里云

古越城一名范蠡城案宮苑記周元王四年越

相范蠡所築在今瓦棺寺東南望國門橋西北

圖經云城周迴二里八十步在秣陵縣長千里

今江寧縣解後遺址猶存俗呼為越臺金陵故

元王四年范蠡佐越滅吳欲圖伯中國立城於

金陵以強威勢郡國志云在縣南六里東甌越

王所立吳王濞敗保此城後走丹徒晉王含以

水陸五萬逼淮温嶠燒朱雀航以挫其鋒遂潛

師渡水大破含軍於越城南盧循犯建康劉裕

恐其侵軼用虞丘進計伐木柵石頭城修治越

城齊崔慧景反蕭懿入援自采石濟岸頓越城

梁武義師次新林遣王茂掇越城實錄注云越

王築城江上鎮今淮水南一里半廢越城是也

案越絕書其城北即吳牙門將軍陸機宅故機入

望國門橋西北城越范蠡所築城東南角近故城

晉作懷舊賦望東城之紆餘即此城在三井岡

東南一里而瓦棺寺閣在同東偏也今南門外

江寧縣解後有越臺與天禧寺相對近時詩人

指越臺為越女取

越土築臺者非也

楚金陵邑城威王滅越私吳越之富擅江海之

利置金陵邑於石頭及負芻為秦所滅至漢高

帝時封韓信於楚鄣郡屬焉六年廢周顯王三

金陵新志卷十二

三

云君祥

威越乃因山立號置金陵邑今石頭城是也楚威王後一百一十餘年當秦始皇三十六郡以金陵為郡楚兼諸侯分天下作三十六郡以金陵為郡楚亡後一十三年當始皇三十七年乃改金陵邑為秣陵縣乾道志金陵邑城在清涼寺西去臺城九里南開二門東一門又見山川志

古賴國城在今溧水州界

案實錄吳廢帝亮崩于侯官道上晉太康

中故少府卿丹陽戴顯上表迎屍歸葬賴鄉春秋傳昭公四年楚伐吳秋七月圍朱方八月遂滅賴楚子欲遷許於賴使闔韋龜與公子棄疾城之而還冬東國水不可以城彭生罷賴之師朱方即今鎮江也陳國苦縣雖有賴鄉與朱方相去甚遠亦非東國有水之地其賴城豈非即晉時賴鄉今之溧水乎故勝公廟記謂楚靈王與吳戰吳軍不利遂陷賴渚伍子胥投金處止名瀨水戰國策范環對楚懷王亦言楚乘越亂南察瀨湖而野江東合前後觀之賴之為溧水金陵新志卷十三

吳石頭城

見山志

丹楊郡城案宮苑記在長樂橋東一里南臨大路城周一頃開東南北門漢元封二年置丹楊

郡至晉太康中始築城宋齊梁陳因之不改

丹楊郡先治宛陵建安十三年孫權分為新都郡二十六年權始置丹楊郡自宛陵治建業永

安中分置故鄣郡丹楊所領惟溧陽以北六縣

廢為州天寶元年改建業復為秣陵置江寧縣唐初

元和郡國志丹楊郡故城在今江寧縣東南蔡

宗旦金陵賦注云右圖長樂橋東一里今桐林灣軍寨處

古都城案宮苑記吳大帝所築周迴二十里一

十九步在淮水北五里黃龍元年自武昌徙都

晉元帝初過江不改其舊宋齊梁陳皆都之宋

世宮門外六門城設竹籬至齊高帝建元元年

有發白虎樽言白門三重門竹籬穿不全上感

其言改立都墻本紀建元二年立六門都墻是

也其後增立為十二門云考證案宮室記吳大

初宮者即長沙王故府徙武昌宮室材瓦所繕也有曰臺城蓋官省之所寓也有曰東府蓋宰

六十九

金陵新志卷二

五

隹

相之所居也有曰西州蓋諸王之宅也有曰倉城蓋儲蓄之所在也皆不出都城之內輿地志曰晉琅琊王渡江鎮建鄴因吳舊都修而居之宋齊而下宮室有因有革而都城不改東南利便書曰孫權雖居石頭以扼江險然其都邑則在建鄴歷代所謂都城也東晉及齊梁因之雖時有改築而其經畫皆吳之舊隋既平陳此城皆毀今之都城非舊也

臺城一曰**苑城**詳見前圖考

東府城晉安帝義熙十年冬城東府在青溪橋

東南臨淮水周三里九十步去臺四里簡文為

王時舊第後為會稽王道子宅道子錄尚書事

以為治所時人呼為東府其子元顯亦錄尚書

事時謂道子為東錄元顯為西錄西府車騎填

湊東第門下可設雀羅東第即後東府城也稽會

王傳嬖人趙牙為道子開東第築山穿池列樹

竹木工用鉅萬帝嘗幸其宅謂道子曰府內有

山因得游矚甚善然修飾太過非示天下以儉

道子謂牙曰上若知山是版築所作爾死矣牙

曰公在牙何敢死其城東北角有土山曰靈秀

即牙所築也宋武帝領揚州日築東府城以居

彭城王義康文帝元嘉中義康更開拓地墉浚

西塹自後常為宰相府第景和中嘗改為未央

宮明帝時建安王休仁鎮東府訛言東城出天

子帝懼殺休仁而常閉東府不居桂陽王休範

反車騎典籤茅恬開東府納賊齊高帝封齊王

以東府為齊宮梁太清三年侯景舉兵毀板女

墻以軌麗為之紹泰末盡羅焚毀陳天嘉中更

徙治府城東三里齊安寺西臨淮水陳亡廢

小中十三
大二十四
金陵新志卷十二
六
焦

西州城即古揚州城漢揚州治曲阿晉永嘉中

遷于建康王敦始為建康初立州城即此城也

案建康實錄城所置西則冶城東則運瀆天慶

觀之東西州橋是一說石水之亂焚燒府舍陳

敏營孫氏故宫居之元帝初渡江即敏府創今

城考證晉孝武太元末會稽王道子領揚州居

王邱西州為丹楊尹治所謝安為時人所愛重

及鎮新城盡室而行造沅海之裝欲湏經畧粗

定自江道還東雅志未就遂遇疾篤上疏請旋

由西州路嘗因石頭大醉扶路唱樂不覺至州

門左右曰此西州門曇悲感不已因慟哭而去
宋時徐羨之住西州高祖嘗思之即步出西掖
門往見焉寰宇記云西州學府者多未曉江寧府
有東府城城中揚州府城之西門謂之西州門
人號為東府西州東府城之西門謂之西州門
世說王丞相治揚州公所知是以發此歎今西
道治此爾何少為王公所居諸葛恪則治西
州也舟楊記曰揚州廨王所居諸葛恪則治西
建業晉自周浚至王仍吳舊王復領州牧及桓
溫玄悉治王府王茂洪以及玄謙則在建康永
嘉七年顧榮誅陳敏揚州刺史劉機治建康王
氏代機元帝渡江居城府王便立州廨於此宋
殷景仁既拜揚州羸疾遂篤上敕西州道上不
得有車聲孝武時燄惑守南斗上乃廢西州舊
館使西陽王子尚移居東府城以厭之揚州別
駕沈懷明曰天道示變宜應之以德今雖廢西
州恐無補也上天道示變宜應之以德今雖廢西
不復西州竟廢

金陵新志卷十三 七 修

冶城 詳見前圖考

琅邪城 在江乘縣界晉元帝以琅邪王過江國

人隨而居之因城焉在縣東北六十三里今句

容縣琅邪鄉 即其地也 考證齊武帝永明元年

樓觀講武於此南徐州記江乘南岸蒲洲津有

琅邪城則琅邪城與白下相邇今句容縣有琅

邪鄉蓋與江乘縣界相接是蒲洲津與白下皆

有琅邪城也一在上元縣金陵鄉西北去縣十

四里乃白下之城或者直以蒲洲津城為白下
非也王隱晉書江乘南岸有琅邪城立琅邪內
史以治之齊永明六年於琅邪城講武習水步
觀者傾都王融從武帝琅邪城講武應詔詩云
白日映丹羽頽霞文翠旃凌山炫組甲帶水被
戈船謝朓有江孝嗣戍琅邪城詩南史齊王融

傳云世祖欲北伐使毛惠秀畫漢武圖置琅邪城射堂上每游幸必觀視焉

金城在城東二十五里吳築今上元縣金陵鄉

地名金城戍即其地考證吳後主寶鼎二年以靈輿法駕迎神於明陵使

丞相陸凱奉三牲祭於近郊後主於城門外露宿明陵乃後主父故太子和陵也蔡宗旦金陵

賦云遊金陵以愴然問種柳之何在笑吳主之信巫乃露宿於門外晉大興中王氏舉兵反將

軍劉隗軍于金城初中宗於金城置琅邪郡咸康中栢温為琅邪內史出鎮金城後温北伐經

金城見為琅邪時所種柳皆十圍因嘆曰木猶如此人何以堪因攀枝執條泫然流涕楊脩金

城詩亦引此為據前志謂上元縣金陵鄉地名金城戍即其地戚氏辨以為金城即前句容之

琅邪城

少三十五九
六六六

金陵新志卷十二

八

陳

秣陵城在宮城南八里一百步小長干巷內梁

宋北齊皆於秣陵故城跨淮立橋柵當是其地

隋併入江寧

建鄴城晉太康三年分秣陵淮水北為建鄴舊

城在吳冶城東詳見前疆域志

蔣州城隋平陳於石城置蔣州輔公祐據江東

用為揚州唐趙王孝恭平公祐又於其城置揚

州大都督後徙揚州於廣陵此城遂廢

五城有二其一在府城東南二十五里東晉時

所築其一在石頭城唐德宗時所築

考證晉五

敗乃率餘黨自柵塘西置五城造營唐景雲中

縣令陸彥恭於城側造橋渡淮水今五城渡是

唐德宗狩梁州韓滉觀察江東西乃築石頭樓雉

檀城本謝玄之別墅大傅謝安與玄奕碁所勝

者至宋屬檀道濟故名檀城圖經云在今縣東

在墅城東八里非去縣八里也地圖謂之城子

墅今清風鄉有城子枯在黃城橋之西即其地

白下城輿地志云本江乘之白石壘齊武帝以

四去府城

金陵新志卷十二

九

六

其地帶江負山移琅邪居之唐武德元年罷金

陵縣築城於此因其舊名曰白下貞觀七年復

舊治此地遂廢考證唐地理志云武德三年更

陵九年更金陵曰白下隸潤州貞觀九年復更

白下曰江寧前說興廢本末與此不同宜以唐

史為正又按南史齊武帝欲修白下城難於動

役劉係宗啓謫役在東者上從之後武帝講武

白下履行其城曰係宗為國家得此一城圖經

金陵鄉去府城十八里
開化城在溧水州南九十里環地三里六十步

高五尺有廟未詳寰宇記云開化城在固

東宮城案宮苑記宋元嘉十五年脩永安宮為東宮城四周土墻塹兩重在臺城東門外南東西開三門

金陵府城案宮苑記隋大業六年置玄風觀南

園是按唐李孝恭再破巨賊欲以威重夸遠俗築第石頭城陳廬徽自衛此又唐府城也

臨沂懷德同夏諸城並見廢縣

湖熟城湖熟古縣名漢屬丹陽郡宋元嘉中徙

越城流人於此城元和郡縣志云在舊江寧縣

東南七十里今在上元縣丹陽鄉去縣五十里

淮水北古城猶在詳見廢縣

白馬城在江寧縣北三十里吳時烽火之所考證

金陵故事云吳時松江烽火臺二所一在石頭左一在白馬城今不詳其所

竹里城在句容縣北六十里東陽鎮東二十五

里考證齊永元二年崔慧景叛向建康遣駢騎將軍張佛護直閣將軍徐元稱等六將據竹

里為數城以拒之

竹城在溧水州東南七十里環二里高五尺有

廟未詳周美成詩竹城何檀藥層翠分雉堞王

杜城在溧水州南一十二里環四百餘步隋大

業末杜伏威屯軍於此及舊有廟

皇姥城在漂水州南一百一十里大山南高五

尺有廟未詳城周一十五里七步上闊五尺下八尺

漂陽舊縣城在縣西北四十五里地名舊縣村

戚氏云城已毀唯巡檢寨後小坡上有城隍廟
前有唐開元十七年碑國子進士蔣日用文云
縣宅茲土近百餘載蓋自唐初武德三年置縣
及是踰百年唐末天復三年移治今縣後三年
唐亡則此城為漂陽治與唐終始首尾幾三百
年也今有古平陵城在此城南十餘里若據勝
公廟記謂移瀨渚於漂陽南十里改為平陵疑
此縣即吳漂陽乾道亦云疑此即瀨陽縣然廟
記所謂漂陽似指唐漂陽以縣也
人未可據以為吳有此縣也

五十九

金陵新志卷十二

七

吳

平陵城乾道漂陽志在縣西北三十五里周二

六家勝公廟記見前固城下縣志史記伍子胥
橐載而出昭關夜行晝伏至於陵水滕行蒲伏
稽首肉袒鼓腹吹篪乞食於吳市戰國策亦述
此事陵水二字作菱夫然則瀨渚陵平平陵陵
水菱夫皆指此地陵水菱夫傳誤耳陸龜蒙笠
澤叢書李賀記為兒時在漂陽聞白頭書佐言
孟東野貞元中為漂陽尉漂陽昔為平陵城周十
餘步基北才高三四尺而草木甚盛率多大櫟
業條蒙翳如塢如洞其地窪下積水沮洳深處
可活魚鼈幽邃可喜東野得之
忘歸案此城南五里有平陵山

永世城在漂陽南十五里周三百步遺址高一

陽復置其後改曰永安晉武帝太康元年更名
永世屬丹揚郡元帝又分永世為平陵皆屬義

興郡宋元嘉九年省永世入漂陽今俗稱故縣
內有唐隆寺舊基鄉民猶能言古狴犴之所
嘗除永世令皆

趙城在漂陽州東五里周二百步有廟

梁城在漂陽州西五十里周二百步有廟

黨城在漂陽州東十五里周一百五十步有廟

漂水古城舊志在縣西南一里不載所始疑若賴國城之類古蹟之湮廢者多矣

新亭壘宋孝武入討元凶柳元景至新亭依山

築壘東西據險察賊衰竭乃開壘鼓譟以奔之

賊衆大潰亭今在城西南十二里壘不存元考證

二年桂陽王休範舉兵潯陽蕭道成頓兵新亭

以當其鋒築新亭城壘未畢賊前軍已至道成

登西垣使陳顯達等與賊水戰大破之江淹有新亭壘詩

侯景故壘今桐樹灣處即古大航城在其南紹梁

泰元年北齊兵至建康陳霸先問計於章載載

曰齊人若分兵據三吳之路畧地東境則大事

去矣今可於淮南因侯景故壘築城以通轉

輸乃遣載於大航築侯景故壘使杜稜守之

賀若弼壘在上元縣北二十里隋賀若弼

韓擒虎壘在上元縣西四里今在石頭城西元和

郡國志隋平陳樹碑其文薛道衡之詞武德七年趙郡王孝恭平輔公柝紀功與此碑相對本

李伯藥之詞

仁威壘在句容縣案南史周弘讓梁承聖初為國子祭酒一年為仁威將軍

城句容以居命曰仁威壘又故老相傳達奚將軍屯兵于此或云棄甲因名甲城邑舊有祠在武烈廟側土人感夢移甲城東南廟之簷極鳥雀不棲宿按達奚元魏族此必隋世仕丹楊者

藥園壘晉義熙中盧循反劉裕築此壘以拒之

在北郊之西宋元嘉二十一年七月甘露降樂

遊苑輿地志上元縣東北八里晉時為藥園盧

循反築藥園壘即此處也

建康府城見前圖考

金陵新志卷十二

十三

古城門見前圖考

古建康宮門見前圖考

古朱雀門宮苑記吳立初名大航門南臨淮水北直宜陽門去臺城可七里又按地

司公宣陽門六里名為御道夾開御溝植柳南

作朱雀門對朱雀浮航南渡淮水宋大明五年更

立馳道自閭闔門至朱雀門六年又新作大航

門孝武太元三年又起朱雀門重樓皆繡栴藻

井門開三道上重曰朱雀觀觀下門上有兩銅

改懸楣上刻木為龍虎對立左右宋大明五年

古東宮門

案宮苑記南面正中曰承華門直南出路東有太傅府次東左詹事府又

淮橋比左南廂今鎮

次東左率府路西有少傳府次西右唐事府又
西面正中曰則天門西直對臺城東華門東率
更寺西家令寺次西太僕寺更西有典客省

古籬門

案官苑記舊京邑南江北岸籬門五
六所蓋京邑之郊門也江左初立並用十

籬為之故曰籬門又云東籬門本名肇建籬門
在古肇建市東西籬門在石頭城東南籬門在
國門之西北籬門有三橋籬門在東玄武湖東
有亭名籬門又籬門在覆舟山東玄武湖東南
籬門石井籬門在護軍府西籬門外路北齊東
昏時陳顯達舉兵官軍敗之於西州斬於籬門
側始安王遙光據東府反使左興盛屯東籬門
又崔慧景與江夏王寶玄舉兵東昏遣將軍左
興盛率臺內二萬人拒慧景於北籬門梁高祖
建義命陳伯之進據籬門天監八年籬門新作緣淮
塘南岸起後渚
籬門達于三橋

金陵新志卷十二

十四

古宣陽門

洛京舊名都城正中門也南直朱雀
門相去五里門三道上起重樓懸楣

上刻木為龍虎相對皆繡栢藻井南史宋明帝
時有人謂宣陽門為白門以為不祥甚諱之通
典考武時侍中何偃南郊陪乘驚輅過白
門閹將富帝反手接之曰朕反陪卿也

古大司馬門

城在宣陽門內三國典畧侯景攻臺
城燒大司馬門後閣舍人高善寶

以私金千兩賞戰士直閣將軍宗思領將士數
人踰城出外灑水久之火滅景又遣持長柯斧
入門下斧門將開羊侃鑿扇為
孔以槩刺倒二人斫者乃退

古建春門

臺城正東面門後改為建陽門文選
謝希逸宋孝武宣貴妃誅曰經建春

而右轉循閭
闔而遙度

古東掖門

晉成帝修宮城南面開四門最東曰
東掖門三宮城南面直蘭臺最西曰

掖門其地在宋宮城東北

古南掖門

宮城南面近東門案實錄南面次東曰閭闔門後改為南掖門世謂之天門南直蘭臺宮西大路升平五年南掖門是建康宮陷地得銅鐘一有二四字註南掖門即南面東門陳朝改名端門南出都城開陽門即宣陽東門也揚公則自越城移屯領軍府壘北樓與南掖門相對

古雲龍門

第二重宮墻東面門對第三重宮墻前代故事聽者忘疲每旦入雲龍門御者便解駕左右羽儀分散不夕不出侍中司徒尚書令謝朓足疾不堪拜謁乃角巾自輿詣雲龍門

古神虎門

小傳八十五

一曰神武門

金陵新記卷十三古迹

十五

施刊

書傳亮永初四年為中書令直中書省專典詔令以亮任總國權聽於省見客神虎門外每旦車常數百兩齊陶弘景為高帝諸王侍讀奉朝請既而脫朝服掛神武門上表辭祿詔許之

古西明門

臺城正西面門也實錄云宋徐羨之住西州高祖嘗思羨之便步出西掖門羽儀絡繹追之矣

古平昌門

宮城北面近東對南掖門其地在今不任拜起上使乘舟自清溪至平昌門入尚書下舍

古廣莫門

洛京舊名都城北面次西門也北直嘉二十五年夏四月新作閭闔廣莫二門王曇首傳元嘉四年車駕出北堂使三更竟開廣莫門南臺云應須白獸幡銀字祭不肯開尚書左丞羊元保奏免御史中丞傳隆以下曇首曰既

無愚救又闕幡祭惟稱上旨不異單刺元嘉元年雖有再開門例此乃前事之違今之守舊未為非禮其不請白獸幡銀字祭致開門不時由尚書相承之失未合糾正上特無問更立科條

古國門 今高天監七年東南閭橋北越城南在

古望國門 南史梁侯景犯建康令羊侃率千騎頓望國門其地在越城東南

古光德門 古蹟編云在東門外越蔣山路東北曲折處舊傳如此未詳其始

石闕 南朝宮苑記曰晉元帝欲於宮前立闕衆議未定王導指牛頭山為天闕不別立闕

宋孝武大明七年於博望梁山立雙闕梁置石闕在端門外陸倕為銘銘曰象闕之制其來已遠或以聽窮省寃或以布治縣法或表正王居

或光崇帝里晉氏浸弱宋曆威夷乃假雙闕於牛頭託遠圖於博望有欺耳目無補憲章註此

石闕在端門外夾道置之其上隱起奇獸異禽

之狀規制詳見後碑碣類

白下門 見白亭

秦淮柵 即柵塘也案實錄註吳時夾淮立柵又梁天監中作重柵皆施行馬至南唐時

置柵如舊

青溪柵 在城東蘇峻之亂因風縱火進燒此柵麗華孔貴妃

於此柵下

今府城八門 見前

吳太初宮 建康實錄吳大帝遷都建業徙武昌

故府也赤烏十年作十一年宮成周迴五百丈

正殿曰神龍南面開五門正中曰公車門次東

曰昇賢門東曰左掖門次西曰明陽門更西
曰右掖門東面正中曰玄武門北直對臺城西掖門
前路東北面正中曰玄武門北直對臺城西掖門
因吳舊都即太初宮為府舍及即位稱為建康
宮江表傳載權詔曰建康宮乃朕從京來所作
將軍府寺耳材柱率細小今未復西可徙武昌
材瓦更繕治之有司奏言武昌宮已二十八年
恐不堪用宜下所在更伐木治權曰大禹以卑
宮為美今軍事未已所在多賦損農武昌材自
可用也左太冲吳都賦曰作離宮於建業闡闔
閭之所營采夫差之遺法抗神龍之華殿施榮
楯而捷獵崇臨海之崔巍飾赤鳥之鞞擘東西
膠葛南北崢嶸房櫳對擴連閣相經闔闥譎詭
異出奇名左稱弯碣右號臨硯彫栾鏤漆青瑣
丹楹圖以雲氣畫以僊靈雖茲宅之夸麗魯未
足以少寧註云神龍臨海赤鳥皆吳大帝所作
建業太初宮殿名也弯碣臨硯宮門名也晉史

大十一
五十九

金陵新志卷二

十七

臣

石水之亂太初宮盡焚陳敏平石冰因太初故
基創府舍元帝所居即敏所造帝領江左十年
始即位常在舊府則帝亦不改作至
成帝始繕苑城詳見晉建康宮下

吳昭明宮

始謂之新宮周五百丈與太初宮相
望榜曰昭明後主移居之晉避諱改

曰顯明宮吳志後主甘露三年六月起新宮於
太初之東制度尤廣二千石已下皆自入山督
攝伐木又攘諸營地大開苑囿起土山作樓觀
加飾珠玉制以奇名又開城北渠引後湖水流
入宮內巡遊堂殿窮
極伎巧功費萬倍

吳南宮

吳太子宮在南大帝赤烏二年適南宮
宋置欣樂營於其地在舊江寧縣治北

二里
半也

晉建康宮

亦名新宮晉成帝咸和七年新宮成
名曰建康宮亦名顯陽宮直法寶寺

之南在今臺治北五里舊志云新宮即臺城也
在江寧縣治北五里周八里有牆兩重晉成帝
時蘇峻作亂盡焚臺城宮室温嶠以下咸議遷
都唯王導固爭不許咸和六年使卞彬營治七
年新宮成開五門南面二門東西各一門十
二月帝遷居之明年正月朝萬國于新宮孝武
太元三年謝安以宮室朽壞啓作新宮仰模元
象合體辰極王彪之曰中興即位東府誠為儉
陋元明二朝亦不改制蘇峻之亂成帝止蘭臺
都坐不蔽寒暑是以更營修築殆合奢儉之中
今自可隨宜增修強寇未殄不可大興力役安
曰宮室不壯後世謂人無能彪之曰任天下事
當保固國家朝政惟允豈以修屋為能耶詔曰
昔大賊縱暴宮室焚蕩元惡雖除未暇營築有
司屢陳朝會逼狹遂作斯宮子來之歌不日
而成新宮內外殿宇大小凡三千五百間

晉永安宮

即吳東宮在臺城東南輿地志吳東宮在城之西南

大十元
小五元九

金陵新志卷三十一

十八

卅

其後於宮城之東南宋齊梁又在宮城之東北
宮苑記永安宮在臺城東華門外晉孝武太元
二十一年新作東宮本東海王第安帝立以何
皇后居之桓玄拆其材木入西宮以其地為細
射宮至宋元嘉十五年築為東宮陳太建九年移皇太子居之

宋親蠶宮

在上元縣鍾山鄉閻婆寺前紗市中

郊四年三月庚申皇后親蠶西郊輿地志孝武
初立為苑後為西蠶所隋志江左至宋大明始
於臺城西白石壘為西蠶設兆域置大殿七間
又立蠶觀其禮皆循晉氏蔡宗旦金陵賦註親
桑堂側有蠶觀今北
莊前平地是其處

齊世子宮

在石頭城南史齊武帝為世子日以石城為宮

梁金華宮

在青溪東去臺城三里考證輿地志
梁大同中所築昭明太子蔡妃所居

陸襄傳云大通三年昭明太子薨宮屬罷妃蔡氏別居金華宮以襄為中散大夫步兵校尉金華宮家令知

陳安德宮 案宮苑記在宣陽門外直西即都城西南角外陳宣帝為一皇后所築隋

平陳移江寧縣於此明年罷之有古池存人呼為安德宮池宋末池猶存在精銳軍寨內

青溪宮 在城東二里南史齊武帝元嘉十七年生在於建康之青溪宮後為芳林苑

未央宮 長樂宮 建章宮 長楊宮 南史宋廢帝景和元年以東府

城為未央宮以石頭城為長樂宮以北即為建章宮南第為長楊宮東府城在古青溪橋東

梧園宮 在句容縣吳王別館有梧楸成林今不詳其所任昉述異記古樂府云梧宮秋

愁 吳王 金陵新志卷十二 十九

宋行宮 即舊建康府治高宗紹興二年修為行宮 建炎元年尚書占僕射兼中書侍郎李綱言

於高宗曰天下形勝關中為上建康次之請以長安為西都建康為東都各命守臣葺城池

治宮室積糗糧以備臨幸則天下之勢安矣上出其章付中書衛尉少卿衛胥敏曰建康實古

帝都外連江淮內控湖海為東南要會之地伏望趣下嚴詔夙期東幸中書舍人劉珏曰金陵

天險前據大江可以固守廷臣率附其議於是大臣皆主幸東南五月上至江寧府駐蹕

神霄宮詔改江寧府為建康府二年閏七月上發建康如浙西紹興二年上命江寧東路安撫

大使李光即府舊治修為行宮光乞增創後殿許之以圖進呈上曰但令如州治足矣若止一

殿雖用數萬緡亦未為過必事事相稱則一木之侈傷財害民何所不至象箸之漸不可戒

由是制度簡儉六年六月右僕射張浚謂建業

為中興根本奏請聖駕以秋冬臨幸七年三月
辛未上至建康十一月上謂浚曰朕來建康行
宮皆因張俊所修之舊不免葺數間小屋為寢
處之地當與卿觀之初不施丹雘蓋不欲勞人
費財也八年正月月上將還臨安叅知政事張守
言曰陛下至建康席未及煖願少安於此以繫
中原之心趙鼎持不可士成召張俊至宮中諭
之曰朕來日惠去卿在此無與民爭利勿興土
木之工俊悚息承命俊見地無磚面再三嘆息
上曰此事非難但艱難之際一切從儉庶少紓
民力朕為一人主雖金玉為飾亦無不可若如
此非特一時士大夫之論不以為然後世以朕
為何如主也三十二年正月上來幸浙西建康二月
還臨安初上謂輔臣曰將來幸浙西建康宮宇
令有司照管它時復幸免更營造以傷民力中
書門下省言建康府已除行宮留守詔應合行
路安撫司依西京留守司體例施行自是江南東
路安撫司常兼留守每歲四季月準令入宮點
小五十二
金陵新志卷十二
二十

視留守司屬行宮諸軍都統制司南宮門在宮

城門北寢殿之中官朝殿在寢殿復古殿在寢殿後羅木堂

殿後御膳所殿在朝進食殿殿在復古殿直筆閣在

殿內東宮孝思殿宮在內東資善堂在學

右南位在內東宮右大射殿場在御教小射殿在復

西天章閣在皇城門內宮門外宮學士院在皇

內宮門外西南隅御教場在軍器走馬廊在進

西隅御苑馬院之北南位左御八僊臺在御苑涼

館敏在御教場內元符間元時高齋慶曆間胡宿

作記刻石
御輦院 在天章閣後
御馬院 在城隍
軍器

在學士院
南北兩庫 在走馬廊前
御酒庫 在資善堂右
御醋庫 在御

右
錢物庫 在御教場門右
內侍省 在宮右軍
皇城司 在天

左章閣
皇城 周四里二百六十五步高二丈五尺
皇城東門 對後軍

築基增
皇城南門 正對天津橋
皇城東門 對後軍

前有日華橋
皇城西門 對江寧縣前大
東待漏

院 在皇城外左
西待漏院 在皇城外右
東闕亭 在東待漏

闕亭 在西待漏院右
親事營 在東待漏院左
護龍河 自東虹橋

下流入河
西虹橋下與青溪水復合為一
至

大十
四百七十四
金陵新志卷十二
三一
朱安甫

吳赤烏殿 舊縣東北五里吳昭明宮內考
證吳時赤烏見遂起殿名赤烏

吳神龍殿 太初宮有神龍殿
去舊江寧縣三里

太極殿 建康宮內正殿也晉初造以十二間象
高八丈長二十七丈廣十丈內外並以錦石為

砌次東有太極東堂七間次西有太極西堂七
間亦以錦石為砌更東有東西二上閣在堂殿之

制於周小寢也秦漢曰前殿今稱太極殿東西
制於周小寢也秦漢曰前殿今稱太極殿東西

庾闡議改正殿為太極蓋采其義晉成帝咸康中
極魏號正殿為太極蓋采其義晉成帝咸康中

二月尚書令王彪之等改作新宮太元三年二
月內尚書令王彪之等改作新宮太元三年二

宮造太極殿乃成一梁忽有梅木流至石頭城下
因取為梁殿乃成一梁忽有梅木流至石頭城下

因取為梁殿乃成一梁忽有梅木流至石頭城下
因取為梁殿乃成一梁忽有梅木流至石頭城下

錄云太元中起太極殿謝安欲使王獻之題榜而難言之因說魏韋仲將懸匾書凌雲臺額獻之正色曰仲將魏之長安遂不之通晉中興書此有以知魏德之不長安遂不之通晉中興書殿為奴所壞後梁武帝毀之裕身為奴文昌雜錄云東晉太極殿東西閣天子前東西有二大鐘起於此宮苑記又云太極殿前東西有二大鐘南史武帝平洛所獲並漢魏舊物殿前有相風鳥宋武帝張永曉音律太極殿前鐘斯孝武嘗以問永永答鐘有銅滓乃扣鍾求其處鑿而去之聲遂清越陳高祖永定二年新作太極殿而欠一柱忽有樟木大十圍長四丈三尺自流泊陶家後渚監軍鄒子慶以聞詔以造殿陳史沈衆無起部尚書監起太極殿常服布袍芒屨以麻繩為帶又囊麥餅以噉宋張洎撰定新儀奏曰今之崇德即唐之紫宸也右周為內朝在漢為宣室在唐曰上閣即雙日常朝之殿也東晉太極殿有東西閣唐制紫宸上閣法此制也

晉清暑殿

在臺城內晉孝武帝造殿前重樓複道通華林園爽塏奇麗天下無比雖暑月常有清風故以為名宋書云晉大元中立內殿名清暑少時而崩時人曰清暑反言楚聲也果有哀楚之聲又譏云代晉者楚及桓玄篡逆號楚劉裕篡晉亦楚王交之後云

宋嘉禾殿

宋孝武大明五年清暑殿西薨鴟瓦中生嘉禾一株五年清暑殿西薨鴟瓦

宋含章殿

宋孝武帝女壽陽公主人日卧於含章殿簷下梅花落公主額上成五出花拂之不去皇后留之着得幾時經二日洗之乃落它女奇其異効之今稱梅花粧是也

宋玉燭殿

宋武帝所居治室於其處起玉燭殿與武帝所居治室於其處起玉燭殿與

殿禾

殿有東西閣唐制紫宸上閣法此制也

大十六
小五百六十五

從臣觀之林頭有土薛壁上掛鳥燈籠床曰田
侍中袁顛稱武帝儉素之德帝一答獨言曰
舍翁得此已過矣按南史武帝末多暑方建
宴所臨東西二堂而孝武帝末多暑方建
初受命無所改作所居惟稱西殿不制嘉名文
帝因之亦有所合殿之稱孝武承統追陋前規更
造正光玉燭紫極諸殿
彫栞綺節珠葱網戶
宋明帝所作珠簾綺柱江左所未有

宋紫極殿

儉褚淵王僧虔連
名表諫手詔酬納

齊昭陽殿

齊有顯陽昭陽二殿太后皇后所居
居昭陽殿東龍姬荀昭華居鳳莊殿宮內御所
居壽昌畫殿南閣置白鷺鼓吹二部乾光殿東
西頭置鐘磬兩廂皆宴樂處也上數遊幸諸苑
園載宮人從後車宮內深隱不聞端門鼓漏聲

五十六

金陵新志卷十二

二十三

朱俊甫

置鐘於景陽樓上宮人聞鐘聲悉起粧束自後
此鐘惟應三鼓及五鼓也武帝永明十一年詔
曰內殿鳳華壽昌靈曜三處此吾所治製夫貴
有天下富兼四海宴處寢息不容太陋謂此為
奢儉之中謹勿壞去梁陶弘景詩云夷甫任散
誕平子坐談空豈悟昭陽殿化作單于宮時天
下之士尚西晉之俗競談玄理故弘景云及侯
景傾陷篡位果在昭陽殿今景陽基猶存在宋
精銳中軍寨內

齊芳樂殿

在臺城內齊史云東昏大起芳樂玉
綺麗役者自夜達曉猶不副速後宮服御極選
珍奇府庫舊物不復周用民間金寶價皆數倍
建康酒租皆使輸金猶不能足鑿金為蓮
花以帖地令潘妃行其上曰步步生蓮花

齊靈和殿

在臺城內考證齊武帝時益州刺史
劉峻獻蜀柝帝命桓于靈和殿下三

年柳成枝條柔弱狀如絲縷帝與公卿宴賞歎曰此柳風流可愛似張緒少年時

梁重雲殿 銅梁武帝造在華林園隋志云殿前置

何承天以為張衡所造陳書云高祖三年孔挺所造

梁五明殿 待士時忽有四人來貌可七十年

躡履入丹揚郡建康里行已經年無人知其舊交

者惟昭明太子識之四人喜揖昭明殿更重之大

目為四公子帝移四公子入五明殿更重之大

同末魏使崔敏來聘敏博瞻儒釋知天文醫術

帝選十人於此殿推論三教百家六籍五運九

十餘日敏喪神嘔血歸未及境而卒事類記四

人姓名曰敏蜀闖醜丕越黜仇昏難敏者仇昏也

披香殿 在臺城內後宮考證庾子山詩宜春苑

中春已歸披香殿裏作春衣蓋指此也

林光殿 在舊江寧縣東北十里朝

溝村覆舟山前晉為藥園

光巖殿 在舊江寧縣東北六里景陽山東嶺南

更起重閣上名重

鳳光殿 在舊江寧縣東北七

光華殿 在臺城梁武帝大通中施與草堂寺

取珠貝直百萬以其地起重閣七間

寶雲殿 在臺城梁武

以施佛寺

惠靈殿 亦供養佛事末於臺城立正福清曜等

等殿陳永定中於臺城起昭德嘉德壽安乾明

大十九 金陵新志卷二 二四 朱金甫

諸躬自林光
皆建康宮闕
以下

陳求賢殿

臺城內後主皇后沈氏居之後主薨
務華沈君理之女端情好學後主薨

自作哀冊文
辭甚酸楚

景陽樓

今法寶寺西南在宋精銳中軍寨內遺
址尚存里俗稱為景陽樓輿地志宋元

嘉二十二年修廣華林園築景陽山始造景陽
樓孝武大明元年紫雲出景陽樓狀如烟迴薄

久之詔改為慶雲樓宮苑記云景雲樓齊武帝
時置鐘景陽樓上應宮人聞鍾聲並起粧飾

青漆樓

在上元縣北五里臺城內齊書云世祖
興光樓上施青漆時人謂之青漆樓東

昏侯曰武帝不巧
何不純用瑠璃

朝日夕月二樓

在華林園內考證梁武帝所起
階道遶樓九轉宮苑記云景陽

大冊九

金陵新志卷十二

二十五

佳

山次東嶺起通天觀觀前又起重閣上重曰重
雲殿下重曰嚴光殿殿前當階起二樓左曰朝

日樓右曰夕月
樓巧麗無匹

入漢樓

在石頭城實錄晉義熙八年於石頭城
南起高樓加累入於雲霄連堞帶於積

水名曰
入漢樓

觀稼樓

在城東二十五
里梁武帝起

望遠樓

在江寧縣西南八里輿地志云新亭壘
上有望遠樓宋元嘉中改名臨滄觀後

名勞勞
亭是也

落星樓

在上元縣東北古臨沂縣前考證吳大
帝時山置三層樓樓高故為此名今石

步相去一里半有落星墩里俗相
傳即漢時建樓處今去城四十里

烽火樓

在石頭城西南最高處吳時舉烽火震

渡江文帝登烽火樓極望不悅謂江湛曰北伐

峻之亂陶侃温嶠入計舟師直指石頭峻登烽火

温嶠能得衆也

李白酒樓

在城西考證李白既月城西孫楚酒

紗巾與酒客數人棹歌秦淮往石頭訪崔四侍御

冶城樓

宋天慶觀西偏吳冶城舊基卞將軍墓

然遐想有高世之志

百尺樓

南唐宮中有百尺樓召群臣觀之衆皆歎

小四十二

金陵新志卷十二

二十六

隹

美蕭儼曰恨樓下無井耳唐主問其故對曰恨不及景陽樓唐主怒貶於舒州

忠勤樓鐘山樓

見前臺署圖考

高陽樓

在古臺城內又有和旨樓在市西皆酒樓久廢

臨江樓

唐劉長卿有金陵泊舟臨樓詩見陳軒集久廢

東南佳麗樓

見前府治圖考又有舊佳麗樓在市西曹家巷口

伏龜樓

在府城上東南隅景定元年馬光祖增創硬樓八十八間

層樓

在府城右南廂花行街咸淳中黃萬石重

南樓

在府城右南廂中界寬征坊與舊佳麗樓相對

安遠樓和熙樓

並在府城右南北

有年樓

在樵貨務巷口總

豐裕樓

在南門外西街歸

南礮樓

在城南八里舊縣尉衙西久廢今江

嘉會樓

在府城右南廂北界大木頭街至元

嘉瑞樓

在鎮淮橋北本名鎮淮樓寶祐六年

臨春結綺望僊三閣陳後主至德二年建

宮苑

華林園天泉池東光昭殿前高數十丈並數十

間其窻牖戶壁欄楹之類皆以沉檀為之又飾

以金玉間以珠翠外施珠簾內設寶帳其服玩

瑰麗近古所未有其下積石為山引水為池植

以奇樹雜以花藥後主自居臨春張麗華居結

綺龔孔二貴妃居望僊並複道交相往來使女

軒檻宮中遙望若神僊

學士與狎客賦詩采其尤豔麗者以為詞被以

新聲曲有玉樹後庭花臨春樂等麗華聰慧有

軒檻宮中遙望若神僊

軒檻宮中遙望若神僊

軒檻宮中遙望若神僊

軒檻宮中遙望若神僊

俗猶呼為昇元閣歸附
後閣燬於火故基尚存

青溪閣 在府治東北青溪上本梁江總故宅至
宋為段約之宅有亭曰割青取荆公詩

割我鐘山一半青之句乾道五年秋因移
放生池於青溪之曲即割青故基建閣焉

涵虛閣 南唐後湖東官
園內見徐鉉集

清心堂 **玉麟堂** **錦繡堂** **忠實不欺之堂** **靜得堂**

鎮青堂 **芙蓉堂** **壽勝堂** **君子堂** 見前臺
署圖考

清如堂 在青溪淥波橋北馬光祖建取御翰
中一清如水之語名之梁椅為記

忠政堂 在通判西廳乾道六年
潘恕建好溪章謙為記

壽思堂 在轉運司圃內本籌思亭之舊王荆公
范忠宣公皆有詩紹興二十二年鄭僑

年即亭基建堂
邊惇德為記

忠宣堂 在轉運司西廳本雙
槐堂真文忠公改建

戲綵堂 在轉運司正堂後嘉定八年真文忠公
將母出使葺而名之馬光祖王埜皆公

門下士寶祐初適同持節于此
新其堂大其扁且刻石識之

使華堂 在總領所圍內紹定三年戴楠建堂後
為橋跨溪榜曰尋春橋之北為看窓榜

曰畫舫皆馬
此祖所作

仁本堂 在總領所東
廳馬光祖建

誓清堂 在臺治東親兵教場內紹熙元年留守
章焱建淳祐七年趙葵改建指授堂

有美堂 在宋行宮內舊為府治梅堯臣
宛陵集載金陵有美堂詩云

大六十三
小三六十四
金陵新志卷五
二十八

儀賢堂 一名 **聽訟堂** 考證 陽門內路西每歲榮孝廉

秀士考學士學業歲暮習元會義於此梁改曰

儀賢梁武帝謙恭待士大通中有四人來年七

十餘鵝衣躡履勃召入儀賢堂帝問三教

九流及漢舊事如目前餘見前五明殿下

樂賢堂 在臺城內晉肅宗為太子時所作蘇峻

西南角外有清游池通城中樂賢堂晉咸和七

年彭城王紘上言樂賢堂有先帝手畫佛像屢

經冠難而此堂獨存宜勅作頌帝下其議蔡謨

曰佛者夷狄之俗非經典之制先帝量同天地

多才多藝聊因臨時而畫此像至

於雅好佛道此未聞也於是遂寢

武帳堂 宋元嘉中建于武帳岡上世傳在城北

嘉二十一年宴于武帳堂將行勅諸子且勿食

至會所賜饌日旰食不至有飢色上曰汝曹少

長豐逸不見百姓艱難今使汝

曹識有飢苦知以節儉期物

鄭介公讀書堂 在清涼寺考證 鄭俠字介夫其

隨王氏入閩遂為福清人俠既冠遭妣黃氏憂

大正 小五九七 金陵新志卷二 二十九 張

荆公服除起知江寧相見愈厚及公赴浮光荆
公入參大政公數具書諫荆公極言新法之為
民害不聽後監在京安上
門數上書言新法被謫

韓熙載讀書堂

載集有贈寺僧詩中熙

蠶室

在舊江寧縣北七里耆闈寺前
紗市中六朝皇后親蠶之所也

董永讀書堂

在溧陽州西四十里林木茂翳考
證永嘗自鬻以養其親見孝子傳

東宮宣猷堂

梁紀脩飾國學增廣生員立五館
置五經博士天監五年置集雅館

以招遠學何佟之賀瑒嚴植之明山賓等覆述
制旨并撰吉凶軍賓嘉五禮千餘卷帝稱制斷
疑焉大同七年宮城西立士林館賀琛孔子祛
等遞互講述皇太子宣城王亦於東宮宣猷堂
及揚州廡開講四方郡國莫不向風

大五十一
小三十八

金陵新志卷十三

三十

張

南唐澄心堂

李後主藏書籍會
文士撰述之所

四老堂

在轉運司韓
元吉為記

尚友堂

在青溪先賢祠
後馬光祖建

飛泳堂

在江東運管廳紹定四
年嘉定九年重建

來燕堂

在烏
衣園

存心堂

在上元縣西偏景定三年知縣事
臨印揚應善初建取程純公語為扁

古射堂

古迹編在石頭城東晉義熙六年大風
琅琊楊州射堂壞又有積弩堂近石頭

中皇堂南皇堂

於此今不詳其所

德星館

在西門外七里
倪總領堂建

通江館

在賞心亭東月堂舊基後為四易庫

橫江館

在水西門內賞心亭側馬

古商飈館

見後九

別館

陳書六門之外有別館

昭文齋

在鐘山定林庵王

式敬齋

在左司理廳邢

紬書齋

在府治東北鍾山樓下馬光祖命周

忠孝亭

在求壽宮西見

賞心亭

在下水門之城上下臨秦淮盡觀覽之

大小五十二

金陵新志卷十二

三十一

重建李學士家談曰揚州有賞心亭此其始也

乃唐周昉筆經十四太守雖極愛不敢輒取後

為一太守以九筆畫蘆鴈易之祝穆編方輿勝

幅表安卧雪圖曰付卿到金陵可選一絕景處

野錄若溪集金陵記王密學詩序皆言賞心亭

見聞志中以晉公家歲不言御賜唯晉公圖畫

今姑存其說景定庚申四月二日蓋本此耳

至風盛酸熾其東正接大軍廣濟諸倉馬光祖

亭在龍王廟西正當風反之處不免煨燼公曰

臨淮亭陳執中後名朝宗觀風亭賈黃中建蓋

白鷺亭

在賞重建李白鳳凰臺詩有二水中分

白鷺洲之龍圖守金陵一洲故名蘇東坡嘗題其柱

王勝之贈之千古龍蟠并虎踞從公一吊興公處

短句斜風吹細雨芳草渡江南父老留公住公處

駕飛車凌絲霧紅鸞驟乘青鸞馭却訝

此洲名白鷺非吾侶翩然欲下還飛去

二水亭 在下水門城上乾道五年淮西面大江此

因修築城壁重建亭名取於此

五馬亭 乾道志城西五里幕府

光明亭 宋書蒼梧王微行出北湖單馬先走羽

墜湖帝怒取馬置光明亭前自馳射殺之

冶亭 在冶城考證宋義熙十一年劉鍾領石頭

考及祠 祀志

東冶亭 舊志云在城東八里續志云在城東二

瑞麥知稼二亭考證晉太元中三吳士大夫於

汝南灣東南置亭為餞送之所西臨淮水即當

時治處見後官署前志以為自王導疾時移此

非也治城乃當時西治自有治亭謝安為楊州

袁宏為東楊郡祖道於冶亭群賢畢集又南史

王裕之元嘉六年遷尚書令因辭表求東遷改

授侍中及東歸車駕幸東冶餞送乾道五年留

守史正志於半山寺前重建劉洪以四面皆田

作亭子旁以知稼名景定辛酉馬光祖新之又

增一亭扁曰瑞麥與知稼對峙是年上元縣惟

政鄉麥秀兩岐知縣鍾蜚英上其

瑞于朝麥有旨獎諭亭所以名也

大十七

金陵新志卷二

三十二

非

覽輝亭

在今保寧寺後鳳凰臺舊基側寺有覽

可考蓋熙寧三年夏四月也詳見鳳凰臺下

翠微亭

在城西五里清涼寺山頂南唐時建宋

總領所景大亭小淳祐已酉總領陳

新亭亦曰中興亭

去城西南十五里近江渚丹

基既壞隆安中丹楊尹司馬恢徙創今地世說

過江諸人每至暇日輒相邀出新亭藉卉飲宴

周侯顓在坐嘆曰風景不殊舉目有江河之異

皆相視流淚惟丞相導愀然變色曰當共戮力

王室剋復神州何至作楚囚相對泣耶孝武寧

康元年桓溫來朝頓兵新亭召王坦之謝安安

發其壁後置人溫為却兵笑語移日劉牢之自

溧洲應桓玄進敗王師於此揚佺期至石頭聞

劉牢之領北府兵在新亭賊皆失色乃回師屯

于蔡洲崔慧景兵至新亭石頭白下兵皆潰徐

道覆勸盧循焚舟自新亭步上宋孝武入討至

新亭修建營壘因即位王僧達始改為中興亭

元徽二年桂陽王休範舉兵朝廷集議或欲依

舊遣兵擐梁山蕭道成以謂新亭正是賊衝昔

小五七十六
大十三

金陵新志卷十二

三十三

宋

翠微亭

綺新而大之石城登臨最佳處也

新亭亦曰中興亭

陽記曰京師三亭吳舊立先

皆相視流淚惟丞相導愀然變色曰當共戮力

王室剋復神州何至作楚囚相對泣耶孝武寧

康元年桓溫來朝頓兵新亭召王坦之謝安安

發其壁後置人溫為却兵笑語移日劉牢之自

溧洲應桓玄進敗王師於此揚佺期至石頭聞

劉牢之領北府兵在新亭賊皆失色乃回師屯

于蔡洲崔慧景兵至新亭石頭白下兵皆潰徐

道覆勸盧循焚舟自新亭步上宋孝武入討至

新亭修建營壘因即位王僧達始改為中興亭

元徽二年桂陽王休範舉兵朝廷集議或欲依

舊遣兵擐梁山蕭道成以謂新亭正是賊衝昔

賊水戰未畢賊遽至道成登西垣使陳顯達等與

直至大航陷東府或傳新亭亦陷道成遣周監

翠微亭

龍等新亭破休範宋討晉安王子勛所向克捷事

新亭亦曰中興亭

平明帝大會新亭勞諸軍主樞蒲官賭梁武帝

起義兵進屯江寧東昏使李居士率兵屯新亭

梁擊破之遂次新林乾道五年留守史正志即

故基重建

亭自為記

金山亭

在舊行宮內考證蘇魏公頌集中有金陵府舍重建金山亭詩王荆公安石懷

府園詩亦云常憶小金山下路綠荷深處見游憺此亦府園有金山之證

練光亭

在保寧寺今廢考證蘇魏公頌有遊保寧寺練光亭詩黃魯直嘗題云練光亭

極是登臨勝處然高寒不可久處若於亭北穿土石作一幽房置茶鐺設明窓瓦堆殊勝不爾

與室余為名軒曰物外主人喜作詩也名室曰

凝香密而清明於事稱也

折柳亭

在賞心亭下張忠定公詠建為祖餞之所久廢景定元年馬光祖重建

佳麗亭

與風亭相近馬亮建

此君亭

在華藏寺王荆公嘗題華藏寺此君亭詩元祐間亦有歌詩

小四九十五
六二十六

金陵新志卷十二

三十四

水亭

苑有二一在臺城寺即今法寶寺一在齊南臺山南傍秦淮是其處

木牛亭

在移忠禪院西路亭廢名存圖經不載不詳所立之始地屬江寧南七十里

化龍亭

地屬金陵鄉城西二十五里西陽王兼側考證晉元帝與彭城王玄西陽王兼

真鄉舊傳有香木浮而上土人迎之以為亭又號木龍亭

征虜亭

在石頭塢東晉太元中征虜將軍謝安止此亭因

征虜亭

以為名南史何尚之遷吏部郎告休定省送別

征虜亭

於冶渚及至郡父叔度謂曰聞汝此來傾朝相

征虜亭

送此是送吏部郎非閑何彥德昔般浩亦嘗作

征虜亭

送章送別者甚衆及廢徙東陽船泊征虜亭積

日乃至親舊無復相窺者

白下亭

驛亭也舊在城東門外考證李白獻從叔當塗宰陽水詩云小子別金陵來時

白下亭又云驛亭三楊樹正當白下門案此亭又在府東門似在府西王荆公舊宅在今報寧寺詩有門前秋水可揚舫有意西尋白下亭之句又有東門白下亭摧斃蔓寒葩之句案此亭又在府東意者新舊亭洛在一處不然則李白所謂金陵指鍾山耳

勞勞亭

古送別之所吳置亭在勞勞山上今顧家寨大路東即其所見前望遠樓下

紅羅亭

古今詩話南唐後主作紅羅亭四面栽紅梅作豔曲歌之韓熙載和云桃李不

須誇爛熳已輸了春風一半時已失淮南景定志作羅江亭

客亭

在龍灣五里臨大江迎送之所也

小四十五

金陵新志卷十三

三十五

朱

清水亭

去府城南三十里建炎四年岳飛敗金人於此

二李亭

在舊溧水縣尉廨舍後詳見前圖考

甘露亭

在上元縣北鍾山鄉去城五里考證陳太建七年秋閏九月甘露三降樂遊苑

詔於苑內覆舟山立甘露亭又按輿地志宋元嘉中移晉北郊壇出外以其地為北苑更造樓觀於覆舟山上大設亭館侯景之亂焚毀至陳天嘉中更加修葺於山上立甘露亭陳亡並廢

朝陽亭

在通判東廳張維建

望湖亭

在鷄籠山上或云南唐立今遺址見存

不受暑亭

在清涼寺後景定二年馬光祖重建考證清涼廣惠禪寺南唐為避暑宮

宮內有德慶堂法堂前舊基是也寺後宮有亭名不受暑光祖所建者今廢

郡圃十亭

並見前臺

青溪諸亭

亭曰玲瓏池曰玻璃頃曰金碧堆曰錦繡段其

東有橋曰鏡中由此而東為清溪莊與青如堂

相望南自萬柳堤而入為小亭三橋之南舊萬

柳堤改曰溪光山色自橋而北亭臨水曰撐綠

其逕前曰添竹後曰香遠尚友堂之南曰香世

界先賢祠之東曰花神水仙青如堂之南淥波橋

之西曰眾芳曰愛青其東曰割青青溪閣之南

清風關之北有橋曰望花隨柳其中曰心樂其

前曰一川烟月自青風關東折而北亭出溪東

二曰竹曰蒼雪其後則清溪閣之餘地也為靜

菴菴後有石山亭曰最高山後跨梁陟徑為堂

二前曰間暇後曰近民諸亭惟割青為舊餘皆

馬光祖所作宋名清溪園號小西湖太守好事

者粉飾標榜地無遺隙來往亭宴民得共之今

皆廢圮其為寓居宅者時有修改

今靜菴後石山猶在俗呼馬公洞云

風亭

在折柳亭東葉青臣建蘇州從事張伯玉

以告者乃壘石為岸創堂三間前後軒如之厨

觀稼亭

壽樂亭

環香亭

在龍翔寺內天曆

惟秀亭

在蔣山崇禧寺西天

四城門接官亭

舊有亭卑陋弗稱咸淳元年馬

拱行都直趨南徐岐入淮瀾鄉登茅鐘二名山

咸此乎出舊名建陽踰數步即白下有白下亭

其西曰致爽出門數里為龍灣長江駕順而東

蜀漢荆廣所畢湊古石頭城在焉南曰來薰門

直深水漂陽西指當塗上荆蜀占長干道在焉

川玉亭

會

三

三十六

宋

約在日詳
見前志

南軒 舊傳在保寧寺方丈祝穆讀書於保寧寺方丈

文小室號南軒西山真公德秀建南軒先生祠

堂於天禧寺方丈後蓋以此為張宣公讀書南軒之舊址王潛齋塾又設西山像侑食祠中作亭其旁扁曰仰宣後移於儀賓館即今南軒書院也

川泳軒 舊在江東撫幹廨舍

存愛軒 舊在知錄廳周師成有記

籀龍軒 在城內西北鐵塔寺王荆公嘗讀書處

偃秀軒 在蔣山道中松間

鳳凰臺 在保寧寺元嘉十六年秣陵王顓色音聲諧和衆鳥附翼群集時謂之鳳乃置鳳凰里起臺於山因以為名又案官苑記鳳凰樓在鳳臺山上宋元嘉中築李白宋齊丘皆有詩建炎中金人張太師嘗賦詩云六代興亡地千

年一瞬間無情是江水終日對鍾山烽火連吳越旌旗耀海蠻鳳兮今不至百尺古臺開淳熙中留守范成大重建更榜曰鳳凰臺開慶元年總領倪奐重建馬光祖作記

越臺 舊基在城南江寧縣廨後考證越范蠡築城長千里此即古越城內所築臺也詳見

後越臺辨

周慶臺 亦名子隱臺 慶字子隱少不逞為鄉里

悟殺蛟虎從二陸學讀書于此今城東南有故基在鹿苑寺後慶仕吳為東觀左丞入晉為御

所惡目為三害之一後悔

臺

臺

臺

臺

史中丞著默語三十篇風土記撰吳書以討賊戰死謚曰孝子玘佐元帝中興三定江南

九日臺今在蔣廟西南俗呼為松陵岡去城十五里考證齊武帝永明五年四月立商

武館於孫陵岡世呼為九日臺十道四蕃志云武帝九月九日宴群臣孫陵岡即吳大帝蔣陵

齊書云高祖以九月九日登商飈館在孫陵岡南舊江寧縣北三里一百步建康宮闕簿云商

飈館在縣北十三里籬門亭後堆上

雨花臺在城南三里據岡阜最高處俯瞰城闔考證舊梁武帝時有雲光法師講經於

此感天兩賜花故名丹陽記云江南登覽之地三曰甘露曰雨花曰凌歊建炎兵後臺址僅存

後人乃請均慶院舊額即基建寺又壞于火隆興元年留守陳之茂重築此臺初一堂名總秀

而徙均慶院於臺之下

金陵新志卷上二 三六

蔡伯喈讀書臺在溧陽州太虛觀東北吳顧雍傳云邕以內寵惡之慮卒不免

乃亡命江海遠迹吳會積十二年於吳抱朴子六蔡伯喈到江東得論衡中國諸儒以其論更

進嫌得異書求其帳中果得之則伯喈讀書於此理或有是

郭文舉書臺舊天慶觀太乙殿即此臺基也詳見前冶城圖考

梁昭明書臺在蔣山定林寺後山北高峯上考證梁昭明太子嘗著書於此今遺

基尚存

望耕臺在今白上村舊志宋文帝嘗登此臺以觀公卿親推之禮宮苑記在籍田壇東

又有觀稼樓祈年殿皆在雩壇北域之內梁武帝徙籍田東郊外十五里詳見祠祀志

日觀臺一名司天台在臺城內宮苑記臺城直一為飾門西有日觀臺祥符圖經云宋司

天臺也

烽火臺

在城西石頭城覽古詩註石頭城山最
高處吳時舉烽火於此自建康至西陵
五千七百里而達
警急半日而達

南唐月臺

胡宿高齋記云子城東北趨鍾山為
便南唐李氏因城作臺望月人呼為
月臺下臨濬北西覆舟南對長干西望冶城
立齋其上高侔麗譙廣容燕息採謝宣城宴坐
之意題
曰高齋

景陽臺

見景陽樓下

拜郊臺

見郊廟類

獨足臺

在古宮城今不詳其所覽古詩註云陳
將亡有一鳥獨足上宮城臺上以觜畫
地書云獨足上高臺茂草化為灰欲知我家處
朱門傍水開及國亡後主遷洛陽果賜第於洛
傍水

大卅一小三〇五

金陵新志卷二

三九

通天臺

有二宋書孝武大明七年鍾山通天臺
新成飛倒散落山澗建康宮闕簿云通
天臺在縣北一百步舊臺城內

古玄風觀

案實錄舊志晉元帝建武元年初置
宗廟郭璞所遷卜者在古都城宣陽
門外之東與玄風觀東西
相望而廟東抵秦淮之曲

迎風觀

徼道觀

官闕簿建康宮西有迎風觀在
縣南十五里石子墩上宋孝武
大明中起又
有徼道觀云

玄武觀

在玄武湖上南史蔡景歷拜度支尚書
舊式拜官在日午後景歷拜日適逢輿

駕辛亥玄武觀在位皆侍宴帝恐景歷不預特令
早拜其見重如此又宋文帝臨玄武館閱武即
觀此

通天觀

舊志在華林園宋元嘉中與景陽樓同
造金陵故事晉孝武帝講孝經於通天
觀僕射謝安侍座尚書陸納侍講黃門侍郎謝
石吏部侍郎袁宏執經丹陽尹王緄譚句論者
榮之則此觀晉所有也非
翔於宋舊志殆未考耳

臨滄觀

李白勞勞亭詩序古送別之所一名臨
滄觀醉樓征虜亭又見前勞勞亭下
生道傍留別崔四侍御詩云初發臨

齊雲觀

在右臺城內陳後主令採木湘州擬造
正寢至牛渚磯盡沒既而漁人見棧於
海上復起齊雲觀國人歌
曰齊雲觀寇來無際畔

大十九小四九十七

金陵新志卷十二

四十

后

層城觀

亦名穿針樓舊在華林園景雲樓東宋
元嘉中造輿地志云齊武帝七月七日
使宮人集層城觀穿
針乞巧因號穿針樓

青雲觀

故事云梁武帝時芝菌生
青雲觀其地在臺城內

古宣武場

在臺城西北白石里玄武湖南一名
宣武城一名沈公城本宋文帝閱武

帳上有武帳堂乾道志大明三年孝武欲北討
問沈慶之須兵幾何曰二十萬帝疑其多對曰
攻城百倍乃可克城因令慶之築此城帝自率
六軍攻圍之不能下乃罷案宋文帝先立宣武

場於此地之北至是因以名之慶元志云宋文
建字岡上施武帳故曰武帳堂岡曰武帳岡今

幕府山北有古教場基疑即此地又實錄晉大
興三年創北湖築長堤壅北山之水東自覆舟

山西至宣武場六里餘蓋
唐人据後之地名書也

南唐舊子城內有玉燭殿基五代史清泰元年

金陵乙未遷居私第虛府舍以待吳王甲申金陵大火乙酉又火知誥疑有變勒兵自衛已丑

復入府舍天福二年知誥建太廟社稷牙城曰宮城廳堂曰殿及建號即金陵府為宮唯加

尾闌檻終不改昇元三年御興祥殿復李姓為考妣發喪四年以西都崇英殿為廷英殿疑

華內殿前為昇元殿後為雍和殿興祥殿為昭德殿積慶殿為穆清殿時以建康為西都廣陵

東都也又有萬壽殿清輝殿有澄心堂百尺樓綺霞閣德昌宮係內府庫藏收貯之所規制甚

盛唐亡宋以為昇州江寧府治慶曆八年正月江寧火知府李宥懼有變闔門不救延燒幾盡

惟存一便殿乃舊玉燭殿也高宗南渡後以府治為行宮所修改見前至元十五年拆其材瓦

寺臺榭遺址猶存關門今為軍總鋪警火之所

小字六

金陵新志卷十一

四十一

吳昌祥

古華林園

在臺城內本吳舊宮苑也世說晉簡文帝在華林園謂左右曰會心處不

必在遠邈然林水便有濠濮間趣覺鳥獸禽魚自來相親建康宮闕簿云宋元嘉中築蔬圃二

十二年更修廣之築天泉池造景陽樓大壯觀花光殿設射棚又立鳳光殿醴泉堂花萼池一

柱臺層城觀興化殿孝武又造靈曜前後殿香堂曰觀臺梁武帝造重閣上名重雲殿下名

光嚴殿陳永初中造聽訟殿又有臨政殿陳云悉廢宮苑記云園內有池名天泉池內有豐泉

亭池南起雲堂芳香堂芙蓉堂之屬又按晉孝武開北山閣與張美人遊亦在此園

古樂遊苑

按寰宇記其地在覆舟山南與地志云在晉為樂園義熙中盧循反劉裕

築藥園壘以拒循即此處宋元嘉中以地為北苑更造樓觀於覆舟山後改曰樂遊苑十一

年三月禊飲於樂遊苑會者賦詩顏延之為序孝武大明中造正陽林光殿於內候景之亂焚

燬畢

古上林苑

北宮苑記云孝武立名西苑梁改名上林其地有古池俗呼為飲馬塘亦曰飲馬池其西又有

望宮

古博望苑

在城東七里齊文惠太子所立輔公流目心悽愴而不怡昔儲皇之舊苑實博望之餘基謝玄暉詩魚戲新荷動鳥散餘花落即此

古婁湖苑

齊武帝永明元年望氣者言婁湖有天子氣帝乃築青溪舊宮作婁湖苑以厭之陳朝更加宏壯後其地為光宅寺

青林苑

大子十六

金陵新志卷三

四十一

吳君祥

靈丘苑

宮苑記齊武帝立在新林界梁天監中以其地為法王寺

方山苑

宮苑記在方山側齊武帝於方山盛起臺觀謂五兵尚書徐孝嗣曰立離宮於此故勝新林對曰繞黃山歛牛首漢之盛事然

古江潭苑

其地在新林路西去城二十里梁大亦名王遊苑未成而侯景亂

別苑

一名西園晉安帝元興三年春桓玄築別苑於冶城與地志其城本吳冶鑄之處王

晉書成帝幸司徒府游觀西園即此處太元十年五年武帝為江陵沙門法新於中立寺以寺為苑

在舊江寧
縣城西

古芳林苑

在寰宇記一名桃花園本齊高帝舊宅
位修舊宅為青溪宮一名芳林園後改為芳林
苑永明五年楔飲於芳林王融曲水詩序云載
懷平浦乃瞻芳林謂此梁天監初賜南平元襄
王為第益加穿築蕭範為記言藩邸之盛莫過
此於

古芳樂苑

齊東昏侯即臺城闕武堂為芳樂苑
山石皆塗以彩色跨池水立紫閣諸
樓觀又於苑中五店肆以潘妃為市令又作土
山開渠立塋下苑中時百姓歌云閱武堂種楊
柳至尊屠肉潘妃沽酒梁天監六年改德陽堂
宋陳克閱武堂詩序云建康子城北斷塹遺堞
彷彿可見父老以為
齊東昏侯閱武堂也

古建興苑

梁天監四年立建興苑於秣陵里侯
俱會青塘立營據建興苑其
地在府治西南秦淮南岸

古玄圃

齊文惠太子性頗奢麗宮內多雕飾精
其樓觀塔宇多聚奇石妙極山水慮上望
見乃旁列脩竹內施高障造游墻數百間

古南苑

在瓦棺寺東北宋明帝末年張永乞借
苑于此梁改名建興苑在秣陵建
與里裴之高營于南苑即此地

古桂林苑

陶季直京都記曰建康縣北漢朝為
桂林苑南朝宮苑記曰桂林苑在落
星山之陽吳都賦云數軍實于桂
林之苑即此屬上元縣慈仁鄉

南唐北苑

徐鉉湯悅徐錯有北苑侍宴賦詠序
云望蔣嶠之嶽峯祝為聖壽泛潮溝

波之清淺流作恩
其地城城北

金波園 南唐烈祖葬方士潘
宸園中未詳其處

烏衣園 在城南二里為衣巷之東王謝故居
堂扁曰來燕歲久傾地馬光祖撤而新

之堂後植桂亭曰綠玉香中梅花彌望堂曰百
花頭上其餽亭館曰更履曰穎立曰長春曰望

岑曰挹華曰更好左右前後立置
森列佳花美木芳蔭蔽虧今廢

古東園 在城東冶亭側面東有堂曰鍾山以
其盡得鍾山之勝名之近東有西亭相

對南曰見墩取其見謝安舊墩之意北曰草移
取北山移文之意乾道五年與東冶亭並創

沈約郊園 在鍾山下約憇郊園和約法師詩云
郭外三十畝欲以留朝饘繁蔬既綺

布密果亦星懸謝眺
有和沈祭酒行園詩

金陵新志卷二 四十四 吳君祥

半山園 今報寧寺是其地王荆公營居半山園
有詩示蔡天啓備述其事所謂今年鍾

山南隨分作園囿者是也又次吳氏女子詩自
註南朝九日臺在孫陵曲街傍去吾園數百尺

繡春園 舊社壇東端平三年高定子記云昔得
繡春堂於酒名竭來將漕訪其堂遺址

亦無知者吾欲堂之司存造船塢有餘地地隣
亦願益以廢圃乃庚之匪事遊觀興廢之意也

舊行宮養種園 在東門外一里而近有堂梅堂
曰玉雪四面堂曰面面雲山杏堂曰清華牡丹

曰玉雪四面堂曰面面雲山杏堂曰清華牡丹
高曰懷洛百花亭曰芳潤本養種行宮花木今

廢並

東籬門園 在東府籬門內與西州分界處後即
在榜村南史何點與謝淪張融孔德

璋為莫逆友點門出信佛從弟適以東籬門園
居之德璋為築室焉豫章王嶷命駕造點點從

後門逃去竟陵王子良聞之曰豫章王子良就見不及吾當望岫息心後點在法輪寺子良就見之點角巾登席子良欣悅無已遺點嵇叔夜酒杯徐景山酒鎗園有卞忠貞冢點植花冢側每飲必舉酒醉之今祠堂疑是其所若東籬門在古肇建市東車馬通衢非隱士所居之地矣以郭文舉臺類推之可見

柳元景菜園

宋書元景不營口產業秦淮南有數十畝菜園守園人賣菜得錢三萬送還宅元景怒曰我立此園種菜以供家中啖爾乃復賣以取錢奪百姓利邪以錢乞守園人

烏榜村

慶元志按圖經初立西州城未有籬門立烏榜與建康分界後名其地為烏榜村在天慶觀西南史陳顯達傳顯達於西州前與臺城軍戰敗走西州後烏榜村騎官趙潭注

稍刺落馬斬之籬側五湧湔籬

以辨五古

金陵新志卷十一

四十五

信

受禪壇

石頭城高壘地舊志以為宋高祖受禪柴燎告天之所

方盟壇

陳宣帝太建十年立壇婁湖側臨壇誓衆分遣大使以盟誓頒四方上下相警以備周人

宋太廟基

乾道志在嘉瑞坊東逼秦淮西近御街本後吳崇孝寺景德中改為景德寺紹興七年以其地建太廟張俊以石礎未具高宗曰遠取勞民可就近山伐石為之何用鑿

刻是年廟成後經兵火基存近城隍廟

謝公墅

慶元志在上元縣崇禮鄉土山唐温庭筠謝公墅歌云朱雀航南繞香陌謝郎

東墅連春碧

謝玄別墅

晉太元八年符堅衆百萬入寇玄為前鋒將軍問計於叔父安安怡然無

懼色谷曰已別有旨既而寂然命駕出土山墅
宴親朋畢集方留玄圍碁賭別墅安碁常劣於
玄玄是曰有懼心便不勝安顧外甥羊曇曰以
墅乞汝安游陟至夜乃還明日指授將帥各當
其任墅今俗謂檀城是也自興業
寺過青溪東二里亦云即土山墅
王騫墅 在南史騫歷黃門郎司徒右長史有舊墅
之常謂人曰我不如鄭公業有田四百頃而食
常不周以此為愧武帝於鍾山西造大愛敬寺
騫墅在寺側者即王導賜田也帝遣主書宣旨
取之騫谷云此田不賣若勅取所不敢言帝怒
遂付市評田價以直逼還之

六朝宮城 見前考吳時自宮門南出夾苑路至朱

雀門七八里府寺相屬吳都賦列寺七里廨署

六朝三十一 金陵新志卷十一 四十六

綦布見諸志者曰三臺五省 故事三臺在臺城

蘭臺在杜姥宅東南端門街東逼東陽門橫街

謁者臺御史臺並在其內故事五省在三臺路

北苑城記 **三臺五省** 悉列種槐木

鴻臚宗正太僕太府四寺太弩太史二署衛尉

府脂澤庫右尚方 實錄儀賢堂初號中堂在都

聽訟堂在鴻臚寺西南衛尉府南宗正寺太僕

寺太弩署脂澤庫更南即太史署太府寺東南

角逼路宣陽門內過東即客省右尚方並在今
縣城東一里二百步玄風觀後隔路儀賢堂更
近北也按縣城即江寧縣
廩治儀賢堂事迹見前

東宮官署東府西州廨

見前城下

太學坊

齊劉俊選太子中庶子武帝在東宮每

範直坊賦序曰余以天監六年為洗馬十七年

復直中舍之坊按西晉宮闕名曰洛陽宮有顯

昌桂芳椒芳等坊王隱晉書有東宮坊王珉荅

徐邈書曰見傳咸彈孫詹事或云是宮或云坊

或云寺同於東官中別有坊又中庶子稱坊詹事

稱寺寺同於東官中別有坊又中庶子稱坊詹事

晉太學國學 皇太子與三年立太學置博士

學淮南南抄實錄在唐縣坊東南七里丹楊城

東南至今猶名故學成帝穆帝孝武帝皆親釋

奠穆帝而後常以儀賢堂權立行太學就堂行

禮太學生國子生各六十人國子生見祭酒博

士單衣角巾執經一卷代手板太元九年從謝

石請興復國學明年選公卿二千石子弟增廣

廟屋一百五十五間按實錄在太廟南唐江寧

縣東南二里一百步占御街東東逼泮水時呼

太學坊 齊劉俊選太子中庶子武帝在東宮每

國子學西有夫子堂皇太子堂南有諸生省即

博士省也又云晉明帝太學初在水南外橋地

宋儒玄文史四學

宮苑記儒學在鍾山麓時呼

玄學在鷄籠山東嶽玄寺側文學史學並在耆

閣寺側元嘉二十一年立國學二十七年罷明

帝太始六年置總明觀於治城設祭酒一人玄

儒文史四科名學士十人又各東觀齊高帝建

和四年立國學後廢武帝永明三年詔復立國

學而省總明觀置生二百二十人東昏末元初

金陵新志卷二 四一七

舊學所在平天聖中知府張士遜奏徙浮橋東北則今學是也

其扶南署 實錄吳赤烏七年扶南獻樂人置署以教樂圖經在江寧縣北二里

晉廩犧署 晉志在東府城後以養天地宗廟犧牲

宋錦署 福城寺東

宋錢署 五城村淮水北

宋平淮署 在五城村藏戈船樓艦之所如偃月形

刻漏署 故秦遷洛陽舊物蟠螭在焉

紙官署 在長樂橋側齊造銀光紙賜王僧虔處

乘黃署 輿地志在公車府西北五輅及諸廟車瓦駕馬之所

金陵新志卷五

四八

止戈署 東官城後路北本梁騎官署造兵器處

治署 通典朱有東治南治齊因之梁陳有東西治故事南有六所府一司徒二楊州二鎮

軍府一東西治見前亭下

前宋轉運司 乾道志紹興三年以建康府治建於子城之西八年重建大門南向次中門

在大門內者為南廳在中門內者為北廳皆路

西南向其屬廳皆路東西向由北廳東北為衙

北門南廳復建籌思堂乾道四年趙彥端建扶

又於籌思之東又有忠宣堂改雙槐堂為之

老堂為之記歸附後為按察司廉訪司總管府

前宋總領所 乾道志總領衙在行宮西南都酒

年建紹定三年戴楠記曰余以景蕭之南敞政
足園矣聽事西偏舊有圃焉一水縈環古柳夾
峙沿水為堤木護之水陰地一區移分鐘堂
於其上易名使華左竹亭曰碧鮮右梅曰春信
堂後三亭曰種花以牡丹名金粟以桂名雲錦
鄉以桃花名此水北佳趣也使華之南隔水亭
曰芳洲映波柳風柳風而東飛梁通之曰玉水
靜觀蕩境映波而西復跨飛梁極水亭曰水雲
此水南佳趣也景定志云使華堂後建尋春橋
看窓曰畫舫又仁本堂取治財以仁為本之義
皆馬光祖所建歸附後
河南王阿術索為私第

都統制衙

在紹興十二年建
在行宮子城北

副都統制衙

在府城北

馬帥衙

景定志侍衛馬軍司乾道七年建在府
城正北隅來蘇坊西門大街今為西織

局 染

建康府貢院

景定志在青溪南秦淮北侍郎蔡
寬夫宅舊址也今為東織染局

轉運司貢院

在府城之東南
隅今屬馬驛

舊廣濟倉

有東西倉又有新倉西倉在大軍倉
後崇道橋南東倉在武雄營側新倉

在廣濟西倉北宋乾道四年留守史正志以親
軍寨及作院地增拓舊基西偏建為新倉轉運
副使趙彥端為記歸附
後嘗為本路架閣庫

平止倉

在廣濟倉左嘉定
中留守余嶸建

轉運倉

淳熙六年置在上水門外
淮水北岸置監官一員

大軍倉

在下水門內北接
廣濟倉監官一員

六三十五
小四十九

金陵新志卷二

四一九

卷

平糶倉

其隸轉運司嘉定八年真德秀創之民賴

化為烏有舊籍無復存者嘉定十四年岳珂復

置未久亦廢淳祐十二年舒滋復置咸淳元年

七月馬光祖承奉省劄判云當使三來開闢昇

人愛余余亦愛昇人公帑所儲毫分不取妄費

思欲為此邦建一久遠利益事無如平糶呈撥

米價錢差人糶足十萬石併令創倉教盛貯續

踏逐到舊稻子倉基址鼎新創造屋四十六間

教一十二座以王衡正泰階平陰陽和風兩時

十二字為記專一椿頓上件米十萬石馬光祖

第三記云平糶倉之設自咸淳乙丑七月至丙

寅正月得米七萬碩又自二月至六月再得三

萬石合為十萬碩余嘗記其略矣丁卯冬糶二

萬戊辰春再糶三萬總而為十五萬如鷄哺雛

勺積龠累所以及此數者偶值歲稔司造實嘉

相之然為是倉深長之慮有二焉其一餘米不

可久頓當以新易陳庶米色常新而民被實惠

古苑倉

惟晉咸和中蘇峻反王師連敗績時太倉

城內亦

曰苑倉

制置司倉

附本府廣濟倉內又有小倉三所曰

帶窩一

古苑倉

南自大赤鳥三年使御史却儉鑿城西

苑城惟倉不毀故名太倉在西

古太倉

惟晉咸和中蘇峻反王師連敗績時太倉

城內亦

曰苑倉

金陵新志卷十一 五十一

鞍轡庫 庫在節儀

淮士典庫 頭在大木

古石頭庫 吳都賦云戎車盈於石頭註云石頭城中置府庫貯軍儲故曰盈於石頭

此以上庫隸建康府

制司庫 錢在府治都

都受給庫 庫在軍器

軍器庫 在經武橋東寶祐五年馬祖修舊增新申嚴約東

回易庫 橋在斗門

抵當兩庫 一在御街錦繡坊之南一在寬征坊

惠軍典庫 在十三丈街

以上庫隸沿江制置司

軍須庫 係安撫司庫在軍資庫側

大軍庫 所在總領

都錢庫 在大軍廊西

激犒庫 在大軍廊東

椿備庫 在都錢側

抵當兩庫 一在舊米市一在鷄行街

公使庫 在總領所西

大七十一
小五十三

金陵新志卷十二

五十二

張

見錢庫

在飲缸橋下

以上庫隸淮西總領所

錢物庫

在轉運司東
與花園相對

雜物庫

在大廳西廊

公使庫

在雜物庫側

典庫

在轉運司衙東

以上庫隸江東轉運司

凰臺酒庫

在天津橋南

鎮淮酒庫

在御街建業坊相對

嘉會酒庫

在大木頭街

金陵新志卷十三

五三

豐裕酒庫

在西南門外

龍灣酒庫

在龍灣市

防江酒庫

在北門外

東酒庫

在上元縣西

北酒庫

在太平橋南

砲藥庫

在青溪上

以上庫隸戶部提領酒庫所

助糴東庫

在御街金泉坊南

助糴西庫

在太平橋南

推貨務

在總領衙西

雜買務

在總領衙東南

市易務

在新橋南

平準務

在御街東

秤斗務

在壽寧寺西

都稅務

在寬征坊董河下

夏稅物帛場

在府治設廳側

受給修造場

在頒春亭側

卷三

金陵新志卷三

王四

雜賣場

二所一在東南佳麗樓東隸總領所一在東南佳麗樓西隸總領所

鄰船場

在龍灣

柴場

三所一在城外一在隍廟側一在龍光門外

菱草場

在東門外轉般倉側

作木場

在府社壇東

王沙稅務

在靖安鎮

抽分場

在靖安鎮

安撫司惠民局

在府治西

總領所惠民局

在正廳東廊

都統司惠民局 內在都統衙

行宮雪窖 門在城外東

安撫司雪窖 門在城北

防江軍雪窖 在雞籠山側

都統司雪窖 門在城北

左司理院右司理院 見前府治圖考

直司 在府治都

總廂 在府門外西南

兵馬司 在營內

土牢 在馬軍營內

上元縣獄 在縣治西偏

江寧縣獄 在縣治西偏

齊六疾館 齊文惠太子與竟陵王子良立六疾館以收養窮民

梁孤獨園 梁武帝普通二年於建康置孤獨園以養窮民

養濟院 見府治圖考

實濟院 隸轉運司

安樂廬 二所一在御街西醋庫後

慈幼莊 在東轉運司

及幼局

咸淳元年馬光祖創凡街市遺棄小兒悉皆收養仍委官提督

大正
小正

金陵新志卷十二

五十六

第宅

張昭宅

淮水南對瓦棺寺張侯橋所因宅而

是儀宅

在城西明門臺城

駱監軍宅

上元縣東二十五里崇禮鄉土山

諸葛恪宅

唐舊縣東二里古玄風觀前橫路

陸機宅

在秦淮側又金陵故車臨秦

王導宅

烏衣巷中東

謝安宅

在烏衣巷口驃騎航之側

謝尚宅

舊江寧縣東南一里二百步永和四年

大里

金陵新本卷七 五七

其

謝道宅

長樂舊東傍舟陽

紀瞻宅

在烏衣巷

謝鑒宅

在青溪上

吳隱之宅

在城東南五里

杜姥宅

舊江寧縣東北三里輿地志云宅在端

母裴氏

即社弘治之妻名穆孝武帝封為廣德

為社

穆渡江宅於南掖門外時已壽考故呼

宋檀道濟宅

在青溪

何尚之宅

南澗寺側今

沈慶之宅

南澗寺側今
在城東南十里慶之本居古清明門外有宅四所屋宇甚麗一夕徙居妻

湖園

謝樂卿宅

府城東南十八里
古白楊巷之石井

建平王劉宏崇

編龍

絕宅地

舊志云江寧縣南三里古太社西有宅地三以晉周顛司馬秀蘇峻表真皆宅

于此悉以禍敗宋王僧綽曰大丈夫當以正道自居何宅之有商吉尋為元凶所害

齊武帝舊宅

臨在青溪城東一里
秦淮是其地

蕭子良宅

西鍾

金陵新志卷十一

東府城東今府

五丈

五丈

蕭坦之宅

東府城東今府
城東二里傍秦淮

劉子珪宅

青龍東二十五里
龍山之南

宋王僧虔宅

在馬糞巷
見巷內

梁武帝宅

府城東南七里
光宅寺基是

沈約宅

鍾山之下
名東田

朱异宅

在府城東北异及諸子自湖濱列宅至
青溪有臺池玩好暇日與賓客遊其宅

范雲宅

府城東南七里何遜有
經范將軍三橋故宅詩

宋到溉宅

第臨
淮水

伏曼容宅

府治西
南三里

伏挺宅

府城北
潮溝上

陳韋載宅

不在江乘縣之北山築室屏絕人事

江總宅

青溪大橋北與孫瑒宅對夾青溪

孫瑒宅

青溪大橋東其

唐顧况宅

皇甫湜顧况集序云况以文入仕佐

續古之仙以壽終慶元志
顧著作山房在菖蒲潭

柳郎中故居

在茅山

宋子嵩宅

齊子監巷

南唐韓熙載宅

宅在城南

大五十二
小二百二十六

金陵新志卷二

平九

宋後南

孫晟宅

鳳臺山西岡龍之山韓熙載見門巷卑陋謂曰湫隘若此五稱為相第邪明年

果拜相

徐鉉宅

攝山拙雲寺西
今日陶庄是也

晉許長史宅

在句容雷平山西
北南有井後為觀

宋王荆公宅

半山寺

蔡寬夫宅

宋貢院基是也南牕紀談云蔡寬夫

池數尺之下見有瓦礫及朱髹七筋數十蔡驚異命工愈掘之又深尺餘有釜鑊瓦錫之器甚多皆破碎交錯仆壓于下竈下葦灰猶存又窮其傍大抵皆人居也然後知其下前代為平地經六朝喪亂瓦礫糞壤積而至此高岸為谷深谷為陵豈不信哉

李琮宅

今在江寧鎮橋西

湖陰先生居

揚德逢號湖陰先生丹陽陳輔每

談終日歲為常後頻歲訪不遇題一絕於門云
北山松粉未飄花白下風輕麥脚斜身似舊時
王謝燕一年一度到君家楊歸見吟賞久之稱
之於荆公公笑曰此正戲君為尋常百姓爾揚
笑亦大

狀元張孝祥宅

大十四
小百五十二

金陵新志卷十二

六十

庚辰



Large block of faint, illegible text, likely bleed-through from the reverse side of the page. Some characters are barely visible, such as '大', '山', '日', '金', '山', '國', '其', '門', '云'.

陵墓

古越王塚

在句容縣王名翳周安王時薨葬句容大橫山下今不知其處

吳大帝陵

蔣山陽去城一十五里

步夫人陵

吳志赤烏元年追拜夫人步氏為皇后後合葬蔣陵今蔣廟西南有孫陵

岡上有步夫人塚其地也

宣明太子墳

吳志太子登初葬句容後三年移葬鍾山西蔣陵

廢帝陵

晉戴顯迎葬丹陽之賴鄉

晉元帝陵

永昌元年葬建平陵

晉明帝陵

明帝太寧三年葬武平陵

晉成帝陵

實錄元帝

成帝咸康八年葬興平陵哀帝興寧三年葬安

六七二

金陵新志卷十二

六十一

除

平陵四陵並在雞籠山陽皆不起墳

晉康帝陵

實錄康帝建元三年葬崇平陵

晉孝武帝陵

簡文帝

恭帝陵

咸安二年葬高平陵孝武帝太元二十一年葬隆平陵安帝義熙十四年崩明年葬休

平陵恭帝元熙二年葬冲平陵並在鍾山

晉穆帝陵

幕府山前近西里俗相傳穆天子墳即其地也

宋武帝陵

實錄宋高祖永初三年葬蔣山初寧陵周三十五步高丈四尺宋政和間

有人於蔣廟側得一石柱題云初寧陵西北隅

少帝陵

在壇

文帝陵

元嘉三十年葬長寧陵上元縣東北二十五里周三十五步高丈八尺與武帝

陵相

袁后陵

即文帝后合

孝武帝陵

在丹陽秣陵縣巖山名景寧陵

前後廢帝陵

皆在丹陽秣陵縣南四十里巖山陽宗踐祚遷前廢帝何皇后合葬龍

北山

明帝陵

懋府山陽西與王導墳相近山前有墳壠晉穆帝陵在山南或以西為明帝墓

孝武路太后葬脩寧陵

在孝武陵東南

殷淑妃墓

在龍山

明宣沈太后陵

在幕府山寶林寺西南有墳壠相傳為國婆墳疑即沈后

大七九
小二卅五

金陵新志卷十二

六二

依

齊文惠太子陵

葬夾石

豫章王嶷墓

在金山

明敬劉皇后陵

淳化鎮之北去城三十里

竟陵王子良墓

在金山南

梁蕭墓壩

上元縣東三十五里或云蕭梁帝陵未詳

昭明太子陵

與齊文惠太子同處排陵並葬名

安寧陵

文宣阮太后陵

在江寧縣通望山

孝元帝陵

陳天嘉元年詔梁孝元遭罹多難靈襯播越朕昔經北面有異常倫遣使

迎接已次近路江寧既是舊坐宜即安卜
車旗禮章悉用梁與依魏奠漢獻帝故事

陳高祖陵 上元縣東崇禮鄉地名陵里有曰天
子陵有麒麟二里俗相傳即陳高祖

墓也去城二十
五里名萬安陵

文帝陵 上元縣東北陵山之南
今鴈門山北名永寧陵

張麗華墓 在賞心亭天井中間有光氣如匹練
掬之如水銀流散蓋地中有所藏爾

左伯桃墓 羊角哀墓 並在溧水州南四十五里
儀鳳鄉孔鎮南大驛路西

西漢甄邯墓 在後湖側南史宋張永嘗開玄武
湖遇古塚塚上得一銅斗有柄文

帝以訪朝士著作郎何承天曰此止新歲斗王
莽時三公亡皆賜之一在塚外一在塚內時三

台居江左者惟甄邯為大司徒必邯之墓又啓
塚內更得一斗復有一石銘云大司徒甄邯墓

按斗為天之喉舌斟酌元氣運平四時故貴器
取象焉今世發古塚間有此斗豈莽之前已有

歟是制

後漢史君崇墓 溧陽州北三
十里

溧陽侯陶謙墓 在溧
州

吳張悌墓 見本
傳

甘寧墓 在直瀆
山下

丞相萬彧墓 在溧陽州南五十里
惠德鄉銀方山下

葛玄墓 吳太極左僊翁葛玄墓在句容縣
西南一里郡國志句容縣志皆言在句容

諸葛恪墓 舊府志及句容縣志皆言在句容
石于岡今考恪墓實在城西南

荆將軍墓

在溧水州南四十五里因羊左墓互見

晉山簡墓

苑在樂遊

温嶠墓

初葬豫章朝廷追思之乃為造大墓還葬元明陵北幕府山陽

郭璞墓

玄武湖中郭璞墓俗相傳曰郭璞墓

卞壺墓

在冶

王導墓

見前宋明帝陵

謝安墓

城南九里梅嶺岡

王濛墓

高亭湖側

王祥墓

城西南八十里化成寺北有斷碑戚氏註云近姑熟

大五七
小六九

金陵新志卷十三

六十四

衛玠墓

新亭東去一十里

許穆墓

句容縣西一里晉護軍長史

顏含墓

右光祿大夫西平靖侯顏府君葬靖安道傍

竺瑤墓

張陣湖墓前有二碑晉寧朔將軍

史萬壽墓

溧陽州東北三十五里為晉安南將軍南蔡州刺史

史爽墓

溧陽州東

馬訓墓

溧陽州東北三十里晉南海太守

呂游墓

溧陽州東北五十里有碑晉安西將軍南蔡州刺史

史光墓

溧陽州東

史憲墓

漂陽州東

史雅墓

漂陽州東

史輝墓

漂陽州東

呂貞墓

漂陽州東

周琛墓

漂陽州西南三

絕瞻墓

句容縣東南

宋謝濤并妻王氏墓

在上元縣土山大明七年

山里謝濤之墓有碑濤散騎常侍夫人之祖曰獻之父曰靜之

劉穆之墓

元嘉二十五年車駕幸江寧經穆之墓詔致祭

小六十四

金陵新志卷二

六十五

朱

吉翰墓

見山志

冥漠君墓

彭城王義康脩東府城得古塚改葬東岡使法曹參軍謝惠連為文祭之

不知其名字遠近故假為之號

徐溧女墓

宋初女道士葬茅山下

宗慤墓

本傳在秣陵縣都鄉石泉里宋散騎常侍左衛將軍太子中庶子荊州大中正

宗慤母鄭夫人墓

在秣陵縣都鄉

謝靈運墓

上元縣本業寺相近南唐保大中里人孫憲等嘗建碑

齊明僧紹墓

見栖霞寺

巴東公墓

在栖霞寺側有碑額云齊故侍中尚書令丞相巴東獻公之墓

柳世隆墓

在倪塘世隆曉數術於倪塘創墓與賓客踐履每往常坐一處及卒墓正

其坐處

海陵王墓

墓在金陵謝眺撰墓誌未詳其所

王孝恭墓

八里齊散騎常侍

梁庾沙彌母劉氏墓

沙彌晉司空冰六世孫父

沈攸之事誅時沙彌始生及年五歲所生母為製采衣輒流涕曰家門禍酷用是何為不肯服及長終身布衣蔬食為中軍田曹行參軍嫡母劉氏寢疾晨昏侍側衣不解帶或應針灸輒以身先試及母亡水漿不入口累日初進大麥薄飲經十旬方為薄粥終喪不食鹽鮓冬日不衣綿纊夏日不解衰經不出廬戶晝夜號慟隣人不忍聞所坐薦淚沾為爛墓在新林忽生旅松

大四十

金陵新志卷十二

六十六

朱

百許根枝葉茂鬱有異常松劉好啖甘蔗沙彌遂不食焉宗人都官尚書詠表言其狀應純孝之舉梁武帝召見嘉之補歎令還除輕車邵陵王參軍事隨府會稽復丁所生憂喪還都濟淞江中流遇風航將覆沒沙彌抱柩號哭俄而風靜咸以為孝感所致後卒於長城令

道及碑神

臨川靖惠王墓

王名宏墓在上元北城鄉去城三十里有石柱碑二

安成康王墓

王名秀字彥達墓在清風鄉甘家巷去城三十八里有石麒麟二石

柱一神道碑二

劉顯墓

推重位至尚書左丞國子博士平西府

諮議
參軍

吳平忠侯墓

梁吳平忠侯蕭景字子照墓在清風鄉花林村北去城三十五里有

石麒麟一
石柱二

建安侯墓

建安侯蕭正立謚曰敏墓在上元淳化鎮西去城三十五里有石柱二

南康簡王續墓

在句容縣西北二十五里

范府君墓

溧陽州東北五十里梁招遠將軍臨川王國侍郎

史府君墓

溧陽州東北五十里梁散騎常侍兗州刺史

王僧辯墓

在方山東南

裴邃墓

子之禮美容儀能言玄理梁黃門侍郎壯勇將軍北徐州刺史邃有廟在光宅

大五十三
少三十三

金陵新志卷十二

六十七

宋

寺西堂宇弘敞松栢鬱茂范雲廟在三橋蓬蒿不剪武帝南郊道經二廟顧而嘆曰范為已死

裴為更生大同初下旱蝗四籬門外桐相凋盡唯邃墓犬牙不入當時異之

司馬子產墓

司馬暄梁正負郎丁父子產艱哀毀甚廬于墓側日進薄麥粥一升

墓在上元縣新林連接山阜舊多猛獸暄結廬數載豺狼絕跡常有兩鳩栖宿廬所馴狎異常

承聖中除太子庶子

陳周弘正墓

句容縣東三十五里

唐顏尚書墓

溧陽州東來蘇鄉後顏村

許司徒墓

句容縣東白土奉聖寺側

史仲謨墓

溧陽州東北三十五里西山之前

史水滸墓

漂陽州東北
三十五里

劉府君墓

漂水州北
三十五里

王師乾墓

句容縣東三十里
嘗為盧循道三州刺史

葛府君墓

句容縣西七里
有碑及石明

雙女墳

雙女墳記有鷄林人崔致遠者唐乾符中補漂水尉嘗憇招賢館前有塚號曰

雙女墳詢其事迹莫有知者因為詩吊之夜感

二女至稱謝曰兒本宣城郡開化縣馬陽鄉張

氏二女少親筆硯長負才情不意父母匹于鹽

南唐慶王墓

名弘茂有碑元宗第二子幼穎異不喜戎事每與賓客朝士燕遊惟

一語至曉而別墳在漂水州南

壽以詩賦為樂年十九卒追封慶王有一異僧言人

李順公墓

名金全在上元縣金陵鄉石頭城後

張懿公墓

名居詠在上元縣金陵鄉石頭城後

功臣特進贈守太子太傅上柱國清河郡開國公張懿公神道

高越墓

栖霞寺舊門外北山

韓熙載墓

在梅

楊忠襄公墓

名邦又墓在南

宋元懿太子攢宮

在鐵塔正覺寺法

王舒王墓

名安石在

大五十五
小三六十三
金陵新志卷十二
六一八

王安國安禮安上三墓

並建康

翰林給事張唐公墓

上元縣長寧鄉

資政管元善墓

句容縣下蜀鎮柔信鄉之原

狀元葉惇禮墓

名祖洽墓在上元縣宣義鄉鴈門

太師秦檜墓

牛首山去城十八里

大資秦梓墓

漂陽州南屏風山

少保威定王德墓

上元縣鍾山之原

忠壯李節使墓

名邈墓在漂陽州西北青龍山之南

四廂王節使墓

名瑋隴西成紀人官至四廂都指揮節度使葬上元縣鍾山鄉

大九十七少九十一崇梨山

金陵新志卷一百六十九

贈節度使盛新墓

亳州人墓在上元縣宣義鄉武岡山官濠州團練使追贈

昭慶軍節度使

待制錢端修墓

漂陽州南上墟村

錢時敏墓

漂陽州南五里

龍學錢元英墓

漂陽州燕山之原

錢周材墓

漂陽州南燕山

于湖張狀元墓

在上元縣清興寺側

防禦使張保墓

江寧縣鳳臺鄉松林庄之原保字和叔循王俊之母弟也

節使趙彥墓

初上元縣金陵鄉

趙總管士吁墓

鄉慈恩寺側

中書崔敦詩墓

漂陽州

戶部李朝正墓

漂陽州北

侍郎董平墓

漂陽州北

侍郎李處全墓

漂陽州西

參政魏良臣墓

漂陽州西

宗丞王朝端墓

在漂水州東南

俞尚書墓

名卓墓在漂水州西琛山一十五里

大七誌

金陵新志卷十二古迹 七十

方

余資政墓

未詳其名遷葬漂水

徐敏子墓

稱徐墳

劉虎墓

廬州梁縣人累功至觀察使合肥郡開國侯卒于金陵葬上元鍾山鄉陸家廟

東馮去非作誌

王鑑墓

太尉上元崇禮鄉竹山

楊宗閔墓

上元鍾山鄉宗閔字景齊代州崞縣人太傅和義郡王存中之父也屢立

戰功建炎元年金人犯永興城陷死之贈太師魏國公諡忠介有中招魂葬

李琮墓

葬江寧縣板橋

李回墓

江寧鎮西官山

李耕墓

江寧鎮西

秦鉅秦浚墓

並在江寧縣處

戚方墓

高宗時武將葬城南高座寺後

尹起莘墓

江寧新亭鄉印塘村

府城外有四門掩骼冢義阡

宋紹興元年知府葉夢得奉詔度城

四隅高原隙地各為穴二其土封皆高一丈西門清涼寺之南茶山北門張王廟之西北麟蛇山南門官道之西越臺下東門官道之北齊安寺西四門凡八冢於華藏能仁保寧清涼壽寧五寺度僧守冢開慶中馬光祖再為郡守增土加築垣墻東阡於半山寺南於宋興寺西於清涼北於永慶選僧掌守其東阡去半山稍遠別創守庵又得清涼寺西北三十餘畝增廣西阡

小多四十六年

金陵新志卷二

七一

后

府城外南北義阡

宋嘉定八年轉運副使真德秀因民間死亡無力買地以

葬遂於南北兩門外空間荒地置兩阡南義阡造庵屋三間於殊勝寺差僧行看守早晚焚脩北義阡近後湖真武廟道士看管地以一文為界葬穴必深五尺地滿之日支錢焚化

覆舟山下義冢

宋端平三年制置使陳韓調兵江北為戰死者立義冢覆舟山

龍光寺側度僧守冢以鍾山鄉戶絕田百五十畝供忌日及每月衙日修薦忌日用戰死日

溧水州漏澤園

南門外華勝寺前東門外居養院東紹興中置

東義阡

溧水州永寧鄉朱容孫以豐慶鄉園地瘞諸佛寺所寄無主棺函

南義阡西義阡

溧水縣今九江周成之買地于縣南得地于縣西去縣各五里

碑碣

此下据舊志輯以備考自歸附後碑刻散見各卷餘俟續集

秦始皇東游頌德碑胡亥東行詔書碑其摹刻

自臺治徒置集慶儒學文曰皇帝臨位作制明
法臣下脩飭二十有六年初并天下罔不賓服
親巡遠黎登茲泰山周覽東極從臣思迹本源
事業祇誦功德治道運行諸產得宜皆有法式
大義著明陞于後嗣順承勿革皇帝躬聽既平
天下不解於治夙興夜寐建設長利專隆教誨
訓經宣達遠近畢理咸承聖志貴賤分明男女

大正四十六小可

金陵新志卷十二

七三

后

體順慎遵職事昭隔内外靡不清淨施於昆嗣
化及無窮遵奉遺詔永承重戒皇帝曰金石刻
盡始皇帝所為也今襲號而金石刻辭不稱始
皇帝其於久遠如後嗣為之者不稱成功丞相
臣斯臣去疾御史大夫臣德昧死言臣請具刻
詔書金石刻因明白矣臣昧死請制曰可久遠
下闕一字成功下闕六字

劉政泰山篆譜序曰史記載秦始皇及二

世皆行幸郡縣立石刻辭今世傳泰山篆字可
讀者惟有二世詔五十許字而始皇刻辭皆謂
已亡宋丞相莒公鎮東平日遣工就泰山撫得
墨本別刻新石止有三十八字集古錄亦言江

隣幾親到碑下纔得此數十字而已余以大觀
二年春登太山宿絕頂徘徊碑下其石埋植土
中高不過四五尺形制似方而非方四而廣狹
皆不等因其自然不加磨礱所謂五十五許字者
在南面稍平處人常所撫榻故士大夫多得見
之其三面猶殘闕蔽闇人不措意余刮磨垢蝕
撫以紙墨漸若可辨政和五年秋復宿嶽上親
以氈帷從事校他本為完蓋四面周圍悉有刻
字總二十二行行十二字字從西南起以北東
南為次西面六行北面三行東面六行南面七
行其末有制曰可三字復轉在南面稜上每行
字數同而每面行數各不同如此廣狹不等居
然可見其十二行是始皇辭其十行是二世辭
以史記證之文意皆具計其闕處字數同於是
太山之篆遂成完篇乃為此譜大凡篆字二百
二十有二其可讀者百四十有六今亦作篆字
書之其毀缺漫滅不可見者七十有六以史記
文定之親軋遠勅史作親巡遠方勅民石刻史

妙法

金陵新志卷十二

七十四

作刻石著作休嗣作世聽作聖陸作垂體作禮
昆作後則又史家之誤皆當以碑為正其曰御
史夫者大夫也莊子曰旦而屢之夫夫衛宏曰
古文一字兩名因就注之史記於琅邪臺刻石
備列從臣名氏余家所收琅邪殘字亦有五夫
字然則夫從一大因不復重出與碑徒置詳見
後繹山碑續刻

西漢東平趙王廟記

唐林雲撰

吳後主紀功三段石碑

實錄吳天冊元年吳郡

太平青蓋入洛主以問奉禁都尉陳訓訓曰臣
能望氣不能達湖之開塞又於湖邊得石函函
中有小石青白色長四寸廣二寸刻上作皇帝
字於是改元天璽立石刻於巖山紀吳功德案
吳錄其文東觀今華覈作其字大篆木知誰書
或傳是皇象恐非在今縣南四十里龍山下其

石折為三段時人呼為段石西也黃伯思東觀
餘論曰皇象書人間殊少惟建業有異時天發
神讖碑若篆若隸字勢雄偉相傳乃象書也今
江寧縣有段石岡蓋舊立碑處據丹陽記晉宋
時已折為三段在府南天禧寺門外半埋於土因
刻字言此石在府南天禧寺門外半埋於土因
輦置轉運司後圃籌思亭時宋元祐六年此石
至城南也轉運司為府治此石在油書閣前後
又徙錦繡堂前碑亭中歸附後改臺治此石歌
仆于地其兩段缺壞蓋嘗為人鑿以他用而不
果也其第二段處有襄陽米芾四字亦為人磨
礪幾盡至治二年臺掾楊益得之臺廡草間與
教授湯彌昌訓導李東成光言于中丞石公珪
治書郭公思貞募民昇至廟學門內之左成光
續志云後主事無足稱然古書遺法書者所尚
晉宋以來書日加工而古法愈遠此碑未嘗見
稱於時其年代雖在校官碑後書品過之遠矣

六十八 金陵新志卷十二 七五 朱俊甫

象書獨步漢末况體存篆籀乎誠宜居周鼓秦
刻之次魏鍾繇諸碑不論也其石四方面背闊
書各八行兩傍狹書六行其文書滿三方而虛
其一辭雖不可讀其可識者百八十餘字首曰
上天帝言次曰天發神讖曰天讖廣多曰將軍
裨將軍關內侯曰詔遣中書郎曰章咸李楷賀
某吳寵建業丞許某等十二人曰永歸大吳上
天宣命曰文字炳艱曰在諸石上末後別書曰
蘭臺東觀令曰巧工九江曰吳郡曰東海夏侯
蓋列與事之臣于正文之後華覈為東觀令是
必華覈也碑詞雖不可讀大抵猶秦金石刻制
爾又慶元志云梅堯臣詩丫頭雖斷石文字末
全訛年算赤烏遠書疑皇象多石在金陵斷石
岡上有大帝字去城二十五里今考此文初無
大帝字宋自揚備至曾極等題詠皆
謂吳紀功德意當大帝時其實非也

漂陽長潘元卓校官碑石本云漂陽長潘君諱

乾字元卓陳國長平人蓋楚大傅潘崇之末緒也君稟資南字關一之字關四德之絕操髭髯字關一

敏字關一學典謨祖講詩易剖演奧藝外覽百家

衆字關一契聖抱不測之謀秉高世之介屈私趨

公即仕佐上郡位既重孔武赳著疾惡義形從

風征暴執訊獲首除曲阿尉畬姦剋猾寇息善

歡履孤竹之廢蹈公儀之潔察廢除茲初厲清

肅賦仁義之風字關三之跡垂化放乎岐周流愛

雙乎字關二親賢寶智進直退字關一布政優優令

大三百 小四十六 金陵新志卷十二 七十六 朱公著

儀令色獄無吁嗟之冤野無叩匈之結矜孤頤

老表孝貞節重義輕利制戶六百省無正繇不

責自畢百姓心歡官不失實於是遠人聆聲景

附樂受一廛既來安之字關一役三年惟泮宮之

教反字關一俗之禮構修學官宗懿招德既安以

寧干侯用張邈豆用陳發彼有的雅容字關一閑

鍾磬縣矣于胥樂焉乃作叙曰翼翼聖慈惠我

梨蒸貽我潘君平茲溧陽彬文赳武扶弱抑疆

字關一 刈靛雄流惡顯忠咨疑元老師賢作朋脩

學童冠琢質繡章實天生德有漢將興尚旦在

昔我君存今字關一此龜艾遂尹三梁永世支百

民人所彰子子孫孫卑爾熾昌丞沛國銍趙勳

字蔓伯左尉河內汲董並字公房右尉豫章南

昌程陽字孝遂時將作吏名從掾位侯祖戶曹

掾楊淮主紀史吳超議曹掾李就門下史吳訓議

曹掾桓檜門下史吳翔戶曹史賀字關一門下史

時球光和四年十月己丑朔二十一日己酉造

案宋紹興十一年溧水尉喻仲遠得於固城湖

大二十七八五金陵新志卷十二古迹 七七 施升

濱置之官舍今在孔廟之大門右授至順癸酉教

識云長樂陳長方雖嘗碑其所得本末釋文則

未之見碑以靈帝光和四年歲在辛酉造距今

凡一千一百五十一年番易洪景伯先生出字

為之釋謂擊為契犂為犁卑為俾樹為野賚為

責刻去其刀賢去其貝干侯與豸侯通尚旦謂

太公周公可謂精審有據其餘不可辨者尚有

二十有六字今觀首行自三百字以下皆不可考且

如第一行之二字是克字之下是禱字禱下闕一字有天

字敏之上一行是克字之下是禱字禱下闕一字有天

字役之上一行是克字之下是禱字禱下闕一字有天

隱可見洪則悉以為闕又為失此之上為即皆隱

目寧梅檜則以為桓檜豈當時誤於墨本而然

耶溧陽志謂元卓為元貞是又以名乾而傳會

也事又見據遺

吳大帝封禪碑

太極左僊翁葛公碑

陶隱居文南唐重建在句容縣其碑有二文字湮滅

晉元帝廟碑

宋葉適撰

禮樂群英三十六像

晉賢臣三十六人詳見元帝廟畫刻題識在廟今亡

太傅謝文靖公白碑

以安功德難為稱述故立白碑在安墓所

都督謝公廟碑

蓋謝玄廟碑唐咸通中建今亡

卞將軍石柱

今在北墓

忠臣孝子碑

舊在忠貞亭南唐徐楷為識蓋掘地得斷碑也葉清臣改忠貞亭亦

名忠孝有記

大七十三
小二一廿二

金陵新志卷十二古迹 七八

卞公忠烈廟碑

宋胡銓撰

忠貞公祠堂碑

宋曾肇建

晉紀穆侯碑

紀瞻見列傳碑在句容縣治字已漫滅止有題額二十四字曰晉故

僕射散騎常侍驃騎大將軍開府儀同三司紀穆侯之銘碑面宋邑令真元弼刻字曰自東晉

逮今元豐癸亥僅千餘年石斷為二什於道傍字皆漫滅惟題額存今徙置縣宇東軒屋壁間

又邑令張侶刻字曰後百三十四年寶慶丙戌此碑復在後圃榛棘中因買石作跌置易并堂

左縣志又載其陰刻瞻字四人名字官爵八十八餘言後又有胡克充刻字不詳何人字亦漫滅

彷彿見棄置荒棘字晉碑僅存世所當寶也

竺使君墓誌

舊志石在靖安鎮天王院

史司空碑

漢司空驃騎將軍漂陽侯史公神道碑晉永和八年立唐貞觀十四年卜

八代孫仲謨題云隋末大亂避地閩越碑再立云

維摩居士像碑

晉顧長康所畫重刻在今戒壇寺

王羲之書蘭亭記

置守吳謹之以家藏本刻

王羲之樂毅論

右軍書歐陽公所收本

冠軍將軍史奕石柱

尉北中郎將五兵尚書從

吳歸晉本國大中正零陵郡開國公青州刺史史侯墓据縣志唐又有碑

呂尚書碑

晉故尚書起部郎廬陵太守呂府君之神道碑見呂游墓

葛府君碑

鄭樵通志晉西平將軍葛府君碑建康見前墓類疑即葛仙公碑陰所

金陵新志卷十二古迹七九

言存其一者

盤白真人李僊公碑

興嚴寺塔記

宋文帝碑

見通志而云在潤州今案文帝陵在此云潤州者因唐人語也此必嘗有

此碑矣

鄭夫人墓誌

宗懋母墓

謝常侍墓誌

見謝濤墓或云出於土山淨明寺後疏圃中後徒在縣治今不聞

宋昭靈沈襄王廟記

陳克浚作

齊海陵王墓誌

案東觀餘論此志在翰林沈括家慶曆中得之金陵後為人借

去遂亡所在今世殊難得沈云謝眺撰并書而誌但云眠立又載此文亦小誤如温文者性石本乃著性嗣德方衰石本乃方寢晚夜何長石本乃晚夜當以石本為是

齊獻武公碑 碑舊志齊通二年尚書今巴東獻武公

梁鄱陽王墓誌 墓誌銘見存清涼寺法堂下

草堂墓碣 梁故草堂法師之墓八字篆體在蔣山寺寶公塔前之左

梁開善寺法師碑 通志普通三

梁忠武王碑 梁侍中司徒驃騎將軍始興忠武王碑徐勉造貝義淵書在上元縣

黃城村

梁康王碑 梁散騎常侍司空安成康王碑劉孝綽文貝義淵書在上元縣清風鄉甘

內家巷

金陵新志卷十二古迹八十一

梁昭墓誌銘 梁永陽昭王墓誌銘徐勉造在上元縣清風鄉得之居民井側

梁敬妃墓誌 在永陽敬太妃墓誌銘徐勉造在上元縣清風鄉得之路傍

靖惠王碑 碑在臨川靖惠王神道

吳平侯碑 碑在臨川吳平忠侯蕭公神道

建安侯碑 碑在建安敏侯神道

梁都承旨題名 在翰林村

梁蕭武帝寺記 在鹿苑寺

許長史舊館壇碑 東觀餘論曰陶隱居書固自流入其在華陽得楊許之真

跡最多而學之故蕭遠澹雅若其為人今金陵有許長史舊館壇碑最先一行隱居書也

茅君九錫碑張繹文孫文韜書碑陰列

朱陽館碑梁元帝文

長沙館碑曲林館碑居並隱文

隱居墓誌明太子文昭

貞白先生碑燕洞宮碑唐司馬子微文并書碑陰

義和寺額舊志昭明太子書句容志碑刻類云

史府君碑刻梁故假節散騎常侍兗州刺史建昌縣開國侯史府君之神道碑又

石柱刻字見墓
金陵新志卷十一
吳君祥

梁宣帝明帝二陵碑

太元真人司命茅君碑

華陽宮記

梁石闕銘乾道志梁天監七年詔作神龍仁虎

司馬門外有神武二闕端門外有蒼龍二闕又

身銘之高五大廣三丈六尺厚七丈五尺及成朝

燒宗廟城郭府寺百無一存後高麗百濟

陳景陽宮井欄題刻宋時在法寶寺前及行宮

荒野至元三十年治書李公虜巽命教授朱天

石欄在焉今但存右一片爾乃至大三年有官
下學見此石欄曰亡國之物也命碎而沈之齋
生王祐收得片石久之與劉弼復歸之于學
其石質青而理赤鍾山之石多如此俗以臙脂并
呼之故觀者多摩拭迹瑩然而窪非一日矣世
傳後主與張孔二妃淚染石為臙脂色者妄矣
前志有景陽石并欄銘是隋開皇中分書或云
湯帝所作又有銘是唐開元中江寧丞王震分
書又一銘是唐太和篆書歐陽公集古錄等
書稱之詳見前志戚氏云所見摹本環井口十
七八字可辨已甚漫滅唯愿井在及太和四年
八字可辨蓋即太和篆銘所謂愿井在茲可不
戒哉者別有宋蘇易簡石欄記亦不存矣今片
石上有宋人從衡題字尤著者唐介梅摯皆前
賢也其遺迹固可存况好事者聞而未見多來
觀之將以興懷古而重監戒毀而棄之過矣

趙知府題棲霞寺山天巖詩

大正十九年
少野金

金陵新志卷十二

八十二

吳君作

王給事棲霞寺詩

攝山棲霞寺詩碑

金陵攝山棲霞寺碑文并銘
侍中尚書令宣惠將軍參掌

選事菩薩戒弟子濟陽江總特撰翊前會稽王
行參軍京兆韋霈書唐韋應物詩若到棲霞寺
先看江總碑康定元年僧契先重立云舊碑唐
會昌中毀廢後嘗重立今復斷缺訛隱故重刻
其文今據石本舊志並
以為會稽王霈書者誤

隋平陳碑

見古跡韓擒虎
壘通志亦載

隋朝律大師碑

白水橋碑

慶元志城東北十五里白水橋東路
南田中有碑半折什地字皆磨滅惟

題可辨云康王神道之碑餘不可考歷陽張祈
字晉彥過其下有詩云出郭悠悠信馬蹄荒烟

衰草不勝悲江南舊事無人記時
有龜趺載斷碑詩刻在半山寺

唐顏氏大宗碑

舊志晉右光祿大夫西平靖侯
顏府君碑晉侍中右光祿大夫

本州大中正西平靖侯顏公大宗碑兩碑舊在
上元金陵鄉乾道中已移入府學其碑座尚存
故地猶名顏碑衝即宣家園去
城十里魯公書餘見墓類並燬

唐明徵君碑

高宗御製行左金吾衛長史侍相
王書高正臣書守太子洗馬王知

敬篆額在上元樓霞寺碑高一丈
米芾詩手摩一文王讀盡上元記

唐重建開善寺記

在蔣山寺

神霄宮銅鐘文

華陽頌碑

舊志陶隱居文
天寶九年立

大十一
小三十七

金陵新志卷十二

八三

張

紫陽觀王先生碑

崇禧觀碑

左拾遺孫
處玄文

靈寶院碑

王棲霞文
在茅山

華陽洞唐玄宗授上清籙碑

禁山碑

舊志在玉晨觀太和七年
立又有復禁山碑徐鉉文

句容縣令岑公德政碑

景龍二年行雍州錄事
參軍張景毓字燭微撰

業行寺主釋翹微書
事見治行岑仲休傳

方山洞玄觀勅還鐘碑

又有洞玄觀
請鐘記云

玉清觀四等碑

玉清觀四等碑開元十五年陶
巨莊書石已損斷置玉清觀基

上見戚氏志

下泊宮記 黃洞元撰 盧士元書

貞白先生碑 邵陵王 蕭綸撰

祠宇宮白鶴廟記 舊志祠宇宮白鶴廟 記柳識文劉明素書

玄靜先生廣陵李君碑 見下

茅山紫陽觀玄靜先生碑 其一唐玄靜先生碑 李陽冰篆額柳識文

與福興寺碑皆名三絕碑其一有唐茅山玄靜先生廣陵李君碑顏真卿撰書在玉晨觀

玄靜先生勅書碑

三洞景昭大法師韋君碑 陸長源文 寶泉書篆

大小二十六

金陵新志卷十二

十四

崇玄聖祖廟碑 寶曆崇玄聖祖廟碑李德裕建 賈餗文通志徐挺古分書又云

徐吉班書 并篆額

孔子尹真人贊皇公三碑 寶曆二年立

孝子張君紀孝行銘 句容張常洵也其銘許昌 主簿高某文又有吳郡孝

子張常洵廬墓記縣令李拙文孝子旌表碑 贊主簿承回文皆載常洵孝行詳見本縣志

茅山孫尊師詩碑 李德裕文

題陶隱居銘葛僊公碑

青玄觀九天使者功德殿記 保大十五年賈 穆述王燮書

宣州溧陽縣永僊觀玄宗先生碑

盧大王廟記

重換司空廟殿記

會昌六年 史氏撰

祭酒史公仲謨碑

賈魯文徐浩書李陽冰篆額 餘見仲謨墓漂陽志縣治南

百許步士人家嘗斫地得片石乃徐季海詩刻 云祖德道場下往來三十秋白頭方問法朗月 特相留大唐徐浩書縣有史祭 酒碑亦季海書漫滅不可讀

瀨水貞義女碑

漂陽瀨水貞義女碑銘并序李 白文陽冰書宋淳化五年再刻

潘城寺碑

在漂水 淨行院

禮部侍郎劉府君神道碑

裴度撰在本廟中後 移置欽賢亭朱翌有

讀碑 詩

全三十三

金陵新志卷三

八十五

朱

白府君銘

從姪居 易撰

貞素先生碑

唐玄博大師貞素先生王君 碑徐鉉文弟錯書在玉晨觀

紫陽觀碑

徐鉉文楊元鼎書 并篆額在玉晨觀

許長史丹井銘

徐鉉文并篆 額在玉晨觀

五雲觀碑

晏殊 撰

百福寺銅鐘碑

佛窟寺碑

孫忌 撰

多心經碑

蔣莊武帝廟碑

徐鉉文 朱銑碑

張長史千字文碑

漂水顏魯公叙府見漂水劉

永僊觀宗先生碑元在縣西北四十里餘見太

陽人魁岸峻拔神仙中人也嘗於觀內造玉清靈臺等云

李白鳳凰臺詩碑

句容修夫子廟碑

李太白讚寶公畫像李伯時畫梁武命張僧繇為寶公寫真米芾書贊云

顏魯公祠記

來賢亭詩

小六九

金陵新志卷十二

八十六

朱

融師塔記

重興隱靜院記

福興寺碑按碑額稱潤州上元縣略云福興寺

東遷於銀湖之北中更一徙傳記缺遺有禪師

德道融本姓樓東陽義烏人也以上元二年建

寺遂移舊額肇建新居於天竺天竺在故寺東

南七里名符佛國之山白蕩之山其左蒼江

之水洩其右斗牛之星烟其上盤龍之鎮挾其

祈澤寺記

後望夫南上以啓行慈姥東向而奔走碑字多

逸今茅山碑盛傳而此碑知者尚鮮若王師乾

碑舊志惟載句容墓而不

言有碑蓋知者尤鮮也

東野詩

觀蕃薇花忽驚紅琉璃千艷萬艷開
佛火不燒物淨香空徘徊花下印文
地車馬來刻在漂陽勝因寺此

本業寺記

楊吳興化院鑄銅鐘文 在林寺香

石鑄文 吳順義元年鑄在靖安鎮

南唐五龍堂玄元像記 徐錯文舊在石頭城云

李順公碑 高越書在西門外石子岡下名金全

張懿公碑 名居詠墓在石頭城後

李後主祭悟空禪師文 在清涼寺

金陵新志卷十一

金陵新志卷十一

二十七

佳

開善寺井記 在蔣山寺

南唐追封慶王碑 在城南婁湖橋韓熙載作徐鉉篆額文則漫滅矣

井記 左街奉先禪院方丈井記唐已巳冬記在保寧寺

符篆刻識 在永壽宮

沈傳師并徐鉉題名 在攝山千佛嶺

林下集序 通志鐘山總悟上人林下集序貞元二十年石洪文并書

德慶堂題榜 南唐後主書宋僧曇月刻石在清涼寺

高府君墓表 越墓

晉謝臨川碑 見靈墓

義井欄刻字

在石頭城後七里鋪

寶華宮碑

并陰南唐奉勅立行書入品
但人名漫滅在方山崇真觀

金剛會序

咸通五年南陽樊文蘊
書在牛首山佛窟寺

玉師乾碑

通志在江寧府今案句容有墓
但訪未得餘見前福興寺碑

騎省石

徐鉉題字

受錄碑

其一玄宗御製在崇
觀其一張景願文

桐栢王法會碑

朝散大夫行江寧令河內于敬
之撰琅邪王玄宗書李義廉奉

救使還篆
六字額

少室王君碑

李渤文

金陵新志卷二

金陵新志卷二

十八

雋

王真人立觀碑

江旻文

李德裕詩

贈茅山孫尊師詩裴
質方書在玉晨觀

玉霄菴碑

見棲真觀

藏經碑

彭瀆文

鄧威儀碑

徐錯文

崇儒碑

在漂水夫子廟
元十一年建今亡

楚平王廟碑

廣明元年
建今亡

王法主碑

劉緯文又有徐先生碑三傳錄記馮
寬文徐法師碑張惟素文凝和陳先

生碑石並殘缺通志太平
觀主王遠知碑徐碩隸書

仙壇銘

宣州溧水縣尋仙觀仙壇山道士宋文
立仙壇三所長壽元年縣令王通字玄覽在任
清勤戶口增益因開三鄉遂以仙壇名鄉奉仙
號里後六年大周聖曆二年縣令岑仲字休以
德義當官仁威養俗因琢石為象刊石為銘云
書岑仲休蓋以字行也

晉史建安碑

晉故建安太守山陰縣侯史公神
道碑景龍四年從孫宣義郎蕤撰

城隍記

溧陽縣城隍記因築治城隍頌
邑令之賢舊志以為廟記誤

禱雨記

史祖廟禱雨靈應記昇元三年尉
遲勝奉命製吳仁贍書郭延沼立

雲泉院無礙田記

唐開成二年左衛騎曹參軍
劉內章文宋大中祥符八年

重刻

宋太宗戒石銘

其文曰爾俸爾祿民膏民脂下
民易虐上天難欺全篇本蜀王
孟昶所作太宗取此四句令天下郡縣皆刻石
真正廳之前覆以小亭坐正廳則對之其字乃
黃庭堅書

真宗書觀龍歌

茅山天
聖觀

仁宗飛白書

嘉祐中書堯舜等大字賜守臣錢
公輔傳堯俞二臣各刻之石經兵
火埋沒乾道八年留守洪遵得
之華藏寺前土中與真經武堂

徽宗大觀聖作之碑

又賜辟雍手詔
郡縣皆刻于學

高宗書孝經

賜秦檜真草相間守臣晁謙之刻
石郡學檜及謙之跋于下今存
火不全又有改建康府詔舊刻在府治金華
石上十二字見後又籍田詔郡縣皆刻之

大正十

金陵新志卷十二

八十九

雋

高宗書王安石詩

列在保寧寺

高宗書蘭亭脩禊序

劉岑刻

高宗書乾卦

并羣臣書諸卦繫辭秦梓刻並在溧陽

孝宗書武經龜鑑序

郭振刻亡

理宗大字

明道書院額又忠勤樓錦綉堂賜吳淵忠實不欺之堂裕齋桂山賜馬光

祖各刻之石

韓愈進學解臨王羲之二帖

孝宗御書錢周材刻在溧陽

宋齊丘鳳凰臺詩

石刻在臺上

太守題名碑

大九生

金陵新志卷十三

九十

隹

金陵建康圖

洪遵跋楊備覽古詩曰暇日料簡故府得金陵圖六朝數百載間繁

然在目又以今日宮闕都邑江山為建康圖並刻石以獻上稱善有旨令參訂古今微識其下客有以前詩示遵亟錄之木異日六飛移蹕學士大夫入承顧問是將有取圖舊在玉麟堂今

好事家有大本

建康府重建貢院記

宋乾道四年陳天麟作

江東運使司試院記

宋嘉定九年李道傳作

建康府新作貢院記

紹熙二年揚萬里咸淳二年馮夢得皆嘗撰記

江寧府移建康府學記

張元用作

重修府記

黃黼章汝楫作

府學上舍登科題名記

府學贖送貢士規約碑

嘉熙元年姑熟陶熾盱江孔聖義初立規約教

授郡人
吳歲記

建康府新建義莊記

淳祐十一年制置吳淵初置教授宋自強記

江寧府學田產記

續置田產房廊碑

府學義莊田畝數碑

景定間知縣王鏜建學楊巽作記

淳祐戊午通判梁椅作記辛酉歲建學周應合作記

大九十七
金陵新志卷十一
九十一
吳君祥

溧水縣學記
宋紹興八年鄭剛中作重修學記
景定元年周應合作教思亭記咸

淳祐二年趙昂發作修學記

溧水縣小學記
宋咸淳二年知縣周成之復小學王遂為記

句容縣重修學記
唐開元十一年建學有碑宋皇祐二年知縣方峻脩廟有

記元豐二年葉表重建有記

溧陽縣重修學記
唐縣令柳均興學有碑宋皇祐四年查宗閔移學城

東南隅沈士龍撰記汪藻撰挹秀堂記建炎末重建陳聞遠撰記

明道先生祠記
朱熹游九言真德秀作記馬光祖跋

程純公畫像記

劉給事祠堂記

李處全作

范忠宣祠堂記

袁燮作

黃尚書生祠記

李愷作

忠襄楊公祠堂記

魏了翁作

留守大瀆政錢公生祠記

鄭若容作

真西山祠堂記

王遂作

美狀元生祠記

孫沂作

陳大使生祠記

王夢義作

南軒先生祠堂記

杜杲作

卷十一

金陵新志卷十一

九十一

吳君祥

吳大瀆祠堂記

曹庠褒作

吳相公生祠記

程公許作

野亭先生祠堂記

倪壘作

野亭先生祠贍祠規式碑

馬觀文生祠記

趙與孫益大作

父老建馬觀文祠記

劉夢周作

青溪先賢堂記

周應合作

溧陽縣學四先生祠記

知縣王崇建

聖母惠澤龍王二祠記

在戒壇寺

忠節王公廟記

劉岑作

府治三聖廟記

宋嘉定十年郡人吳歲記

秣陵東嶽廟記

宋嘉定四年知縣徐龜年作

在城武烈帝廟記

南唐徐鉉有武烈帝廟碑

江瀆廟記

黃度作

鐵塔寺二判官廟記

越臺三聖廟記

惠澤王廟記

宋政和元年知府薛昂禱兩建廟刻石

顯忠廟記

洪邁作

廣惠廟事蹟記

沈羸作

馬司真聖廟記

馮去非作

聖烈王行狀碑

武氏石室碑

案趙明誠金石錄武氏石室畫像墓前有石室四壁刻古聖賢像小字八分書題

墓前有名往往贊于其上文詞古雅字畫遒勁可喜故事畫錄之以資博覽今觀其文詞如老萊子曰事親至孝衣服斑連嬰兒之態令親有驩丁蘭曰曰二親終後立木為父鄰人假物報乃借與其餘大抵多殘缺也洪适隸釋武梁祠堂畫像自伏戲至于夏桀齊公至于秦王管仲至于李善及葉子母秋胡妻長婦兒後母子義漿羊公之類合七十人得之括蒼梁季珩始予聞建康寓客

大七十五
小二十七

金陵新志卷十一

九三

吳君性

有此碑嘗託連帥方務得訪之舊志留守方
滋臺刻于紬書閣今亡亦不見有摹本矣

正顯廟記 漂水州城隍白季康廟也李朝正請
廟額淳熙元年重修王端朝作廟碑

褒忠廟記 葉夢得作

茅山玉晨觀陶隱居遺像 蓋唐顏魯公刻
并有陶隱居帖

栖霞寺佛殿記 唐高宗嘗建寺碑并書寺額寺
有金銀銅像背記宣宗大中五

年重建不知
所指何記也

攝山白雲庵記 宋侍讀張環嘗讀
書王安禮為記

能仁寺記 游九
言作

天慶觀碑 章公
權作

六十一
金陵新志卷十二 九四 吳若祥

吉祥寺記 寺舊在城隍廟東後以寺基為太廟
徙置城南二里記乃從寺時作也

永寧院記 劉岑
作

戒壇寺記 韓元
吉作

殊勝寺記 楊天
麟作

明慶寺記 梁太子舍人
陳昭作寺碑

保寧寺碑

定林寺記 朱舜
庸作

聖湯延祥院記

將山妝繪大佛殿記 劉岑
作

寶公行狀碑

天禧寺重修寶塔碑

李之儀撰
法堂記

三藏道公塔記

北山移文碑

高座寺銅鐘碑

劉岑作
寺記

三茅真君像記

道光泉記

王安國作

八功德水記

梅摯作

雙女墳記

崔致遠作

小文版

金陵新志卷十三

九十五

除

左伯桃墓詩

唐顏真卿宋胡宗愈蔣之奇周邦彥皆有詩案烈士傳云左伯桃羊

角哀燕人也二人為友聞楚王待士同入楚至梁山值兩雪糧少伯桃併糧與哀令往事楚自餓死空樹中哀至楚為上大乃告楚王備禮葬於今墓所一夕哀夢伯桃告之曰幸感子葬我奈何鄰荆將將軍墓每與吾戰為之困迫今年九月十五日將大戰決勝負幸假我兵馬叫噪冢上以相助哀覺而悲之如期而往嘆曰今在冢上安知我友之勝負乃開棺自刎死就葬伯桃墓中劉孝標廣絕交云續羊左之微烈謂此墓廟見前各類

蕭閑堂碑

周邦彥作

二李亭碑

朱處作

挿竹亭記

俞氏十榜傳家記

俞 撰

通濟橋記

劉放李南壽作

中山館驛記

唐 詒 作

溧水州五堰河碑

乾道元年二月左朝散郎通判建康軍府事張維劄子竊

謂堯之時洪水泛濫而三江不入于海其勢必乘其虛處而橫流今之五堰河正其虛處也以其去年之水高四尺而漫過分水堰則堯之水橫流而過此地當不止四尺切意震澤所以不底定者蓋自於此耳以是觀之古來不開鑿此河而設為五堰者其慮遠矣夫堯之洪水後世決不復有也如去年之水間亦有之若江與浙均有兩水則固城湖雖漲亦不能奔蘇常蓋蘇常水盛則外水自不能入如去年之水是也惟是蘇常無兩水而上江兩獨多當此之時大江汎濫壅遏湖流則其勢必奔五堰河而蘇常始受其害矣維竊籌度若開此河委非經久利便乞從朝廷詳酌施行

六

金陵新志卷十二

九十六

陳

溧水州廣嚴寺記

俎大武作畧云寶慶三年予以丞視勞徧歷鄉里初意縣

屬金陵都會事跡最繁宮刹神廟屋壁間必有碑碣可以考古搜訪多闕惟一道觀中有武后時小碑及一二南唐時碑則亦已再刊而非初蹟蓋三國六朝以來多虞之故也武后時碑謂仙壇銘也

王介甫平甫此君亭竹詩

見前類

荆公書陶隱居墓誌

黃太史跋曰熙寧中金陵丹揚之間有盜墓得隱

起塼於塚中識者買得之讀其書蓋山中宰相陶隱居墓也其文尤高妙王荆公常誦之因書

於天慶觀齋堂壁間黃冠遂以入石予常欲募
刺於楚道有李祥者欣然鑿石來請斯文既高
而王荆公書法似晉宋間草書此固多聞廣
見之所欲得也慶元志今刻石江東漕廨

半山絕句
亭今半山寺有荆公詩落迦山四絕句
下

張文潛書李太白鳳凰臺詩
馬光祖書跋倪

蘇子瞻書漁家傲詞
送王勝之

金陵雜詠
黃履詩漂水尉周沔書刻江寧府治
近年廢宮地上掘出其詩舊志不載

周美成會客題名
漂水丞高舉

山谷四民帖
四民皆當世業士大夫家子弟能
知忠信孝友斯可矣然不可令讀

書種子斷絕有才氣者出便當名世
矣慶元中漂水丞戴援刺于丞廳

小四六
金陵新志卷二
九十七
朱

漫塘縣箴
劉宰作不輕受詞不苟退人則田里
安不輕買物不吝酬直則市井喜期

會信則豪強不敢翫賞罰明則姦盜無所容有
謁入父不見之客則開嫚侮之端有退至父不

決之訟則生曖昧之謗毋以暫焉而不為父計
母謂去矣而不計後來庶幾善最之成亦增吾

邑之重端平丙午張樂摧
縣刺置于漂水縣治東廳

俞母廟記
賈胡無競

劉府君廟記
杜子

山谷城南帖
書韓文公符讀書

鐘離翁詩
宋漂陽斗子坐盜米估籍得草書題
云庚申歲書其名權花押如一劍狀

三米蘭亭帖
元章初刺淮山樓并友知尹
仁父子題于後留守吳琚刻

廣惠侯廟碑 王端朝作廟碑白樂天文集有侯墓誌銘云公諱季康太原人嘗為

溧水令子敏中為相

鎮淮飲虹二橋記 梁椅作

白下橋記 劉叔向作

嘉泰重修二橋記 劉叔向作

乾道重修二橋記 丘崇作

明道先生格言碑

趙忠肅公秋風詩碑 馬觀文書

杜尚書學齋記 杜杲作在舊府治

小一八十八 大八十 金陵新志卷十二 九丈 宋

王潛齋六州歌頭 王埜作

馬裕齋書格言碑六 寬平篤厚傲覺詳緩喜聞過強為善願我壽命

長廣行一切善願我福德盛普濟一切人日之事在寅一年之事在春一生之事在勤一家之事在身無益之書勿觀無益之言勿聽無益之事勿為無益之書勿觀無益之言勿聽無益之事勿為忿躁禍之隨讓恭德之吉驕傲身之賊

高齋記 胡宿作

子隱堂記 梅摯作

涼館記 元時敏作

壽思堂記 邊惇作

四老堂記

韓元吉作

思政堂記

章讓作

忠宣堂記

劉宰作

飛泳堂記

楊邁作

戲綵堂記

王埜作

達尊堂記

范光作

忠實不欺堂記

陸景思作

清如堂記

梁椅作

東冶亭記

梅摯作

大八十四
小七十五

金陵新志卷十一

九十九

傳

籌思亭詩碑

王安石范純仁王哲作

此君亭歌

毛漸作

賞心亭東坡長短句

丘密記

昭陽亭餞別留題

李木書

昭陽亭詩

張狀元作

二水亭記

史正志作

八功德水亭記

趙師晉作

新亭記

史正志作

蘭亭記

李洪識

雙玉亭記 劉宰作

翠微亭記 吳淵作

鳳凰臺記 馬裕作

賞心亭記 蕭山則作

川泳軒記 周必大作

存愛軒記 周師成作

敬齋銘 簡傳行作

使華園記 戴楠作

政足園記 戴楠作

繡春園碑 高定子識

府學御書閣記 游九言作

青溪閣記 張椿作

總所新建門樓記 馬光祖作

東南佳麗樓記 李衢作

葛僊公鍊丹井銘 景通作

濡惠泉記 王元忠作

舍利泉記 李厚作

忠孝泉記 周虎作

道光泉記

義井記

李迪作

廣濟新倉記

趙彦端作

平止倉省劄指揮碑

平止倉須知碑

平糴倉省劄碑

丘密立石

復置平糴倉省劄碑

舒滋立石

平糴倉記

吳淵作

泛恩指揮碑

趙善湘立

親兵營記

游九言作

松江新建游擊軍記

胡居仁作

宋興寺奉省劄養濟兩院碑

黃慶作

真運使申遺棄小兒省劄碑

黃慶作

余運使申置實濟院省劄碑

奉旨建實濟院記

馮去非作

建康府新安樂廬記

馮元演作

裴將軍帖

馮元演作

宗忠簡公帖

劉尚書墨帖

劉給事墨帖

張狀元墨帖

安撫司書帖古約

蘇東坡近移文

臨川王游碑

蔣山西庵墨帖

張丞相墨帖

蔣山丹霞訪龐居士

大正
金陵新志卷十一

真運使版榜移文

張狀元請疏

張都督祭病親刻

程子遺書馬光祖刻

黃尚書保民親刻

柳子厚送薛存義序

洛神賦王獻之書

賁沈碑

張賜記碑

韓元吉餞別留題

崇因寺范石湖碑

章尚書題范石湖碑

橫渠先生大字碑

濂溪先生大字碑

王尚書石頭城大字

清涼寺詠竹賦

登山銘無為贊

韓南澗茶麩亭詩

六九十七
小曰九十七

金陵新志卷十二

百三

吳君祥

馬野亭吳琚遊青溪浪陶沙詞

總得翁題斷碑詩翁即元張孝祥之父也元前白水橋碑

魏督相題王文公祠詩

三品石臺城千福院在縣東北六里本梁同泰寺後吳順義中置院前醜石四各高丈

餘云陳朝三品石宋政和中取入汴京置延福宮荆公時石尚在此詩云草沒苔侵棄道周誤

恩三品竟何酬國亡今日頑無取似謂當年不與謀陳克詩云臨春結綺今何在屹立巉巉終

不改可憐江令負君恩白頭仍作北朝臣

到公石慶元志云梁到溉第臨淮水齋前池有奇疆石長丈六尺武帝戲與賭之溉輸

即日傾都縱觀所謂到公石也

張垂崖集吳宮石

石翫月臺朝天壇詩云何人移置向何

年牢落空、見斷頑竹外松間澹澹

歸山按慶元志已不存久矣

金華石

遺石在府治致一齋後覆以小亭舊矣

今取家藏摹本刻真上元先春堂圖今存與余

端禮勸農石頭城示二令詩同一石案圖石之

玉麟堂石刻

景定志金華宮石上刻十二字曰

元志言此石元在府治致一齋竹石間與金華

宮石錯立比年相傳為高宗御書實玉麟堂東

嘗疑高宗自南京登位至建康即入行宮未嘗

幸府治何緣書郡齋石就使書於他處決無御

名若當時守臣模刻湏真聽事豈委之林莽唐

銘鍾山此恐亦卑書也然高宗始至建康駐驛

神霄宮即今保寧寺將以江寧府治為行宮故

守臣寓華嚴寺為治所行宮成乃改建康府治

當府治未建安知遊幸之不到其地邪且前後

宸翰字體與黃庭堅相近慶元所疑皆非也今

案其石仍存謂為金華宮石亦無明証姑存其

謝太傅像

淳熙戊申古汴趙希堅題曰此惟揚

都見畫像相傳是顧長康筆縑腐色剥幾不可

觸而阿堵中瞭焉校此本無毫髮差訪惟揚舊

石不存遂摹刻于

秦繹山碑下續刻

案教授朱天與識于繹山碑

多名賢石刻藏諸官廨深局固鑄入一見弗易
兵後投注草莽與瓦礫俱至爰舍介夫取為燬
具行臺治書侍御史東平李公處巽與都事金
臺賈公為政易水張公經謀及於此得石八十
一片中有秦泰山碑剝落不可讀當時所摹纔
二十字絕不類斯筆李公得繹山善本二百二
十有三字互證參稽真贗判然山谷城南帖亦
脫滅六十字有二證參稽真贗判然山谷城南帖亦
俸助工直更臨繹山古篆訪山谷遺帖刺石以
完合置郡學尊經閣下止善堂之東西步榮時
至元三十年也大德四年路學火將及閣臺官
亟命昇諸石刻出閣外昇未畢火勢不可近而
止既而一學皆盡閣乃獨存由是昇出者適皆
焚在閣下者皆得無恙物之存亡若有數也其
存者繹山碑泰山篆譜陳宮石井闌王介甫此
君亭詩山谷城南帖米元章詩惟高宗真草孝
經止存四章其燬
者不能盡錄矣

小三十一

合陵新志卷十二

百五

朱



[Faint bleed-through text from the reverse side of the page, including characters like '山', '碑', '石', '刻', '藏', '諸', '官', '廨', '深', '局', '固', '鑄', '入', '一', '見', '弗', '易', '兵', '後', '投', '注', '草', '莽', '與', '瓦', '礫', '俱', '至', '爰', '舍', '介', '夫', '取', '為', '燬', '具', '行', '臺', '治', '書', '侍', '御史', '東', '平', '李', '公', '處', '巽', '與', '都', '事', '金', '臺', '賈', '公', '為', '政', '易', '水', '張', '公', '經', '謀', '及', '於', '此', '得', '石', '八十', '一片', '中有', '秦', '泰山', '碑', '剝', '落', '不可', '讀', '當時', '所', '摹', '纔', '二十', '字', '絕', '不', '類', '斯', '筆', '李', '公', '得', '繹', '山', '善', '本', '二百', '二十', '十', '有三', '字', '互', '證', '參', '稽', '真', '贗', '判', '然', '山谷', '城南', '帖', '亦', '脫', '滅', '六', '十', '字', '有二', '證', '參', '稽', '真', '贗', '判', '然', '山谷', '遺', '帖', '刺', '石', '以', '完', '合', '置', '郡', '學', '尊', '經', '閣', '下', '止', '善', '堂', '之', '東西', '步', '榮', '時', '至', '元', '三十', '年', '也大', '德', '四年', '路', '學', '火', '將', '及', '閣', '臺', '官', '亟', '命', '昇', '諸', '石', '刻', '出', '閣', '外', '昇', '未', '畢', '火', '勢', '不可', '近', '而', '止', '既', '而', '一', '學', '皆', '盡', '閣', '乃', '獨', '存', '由', '是', '昇', '出', '者', '適', '皆', '焚', '在', '閣', '下', '者', '皆', '得', '無', '恙', '物', '之', '存', '亡', '若有', '數', '也', '其', '存', '者', '繹', '山', '碑', '泰山', '篆', '譜', '陳', '宮', '石', '井', '闌', '王', '介', '甫', '此', '君', '亭', '詩', '山谷', '城南', '帖', '米', '元', '章', '詩', '惟', '高', '宗', '真', '草', '孝', '經', '止', '存', '四', '章', '其', '燬', '者', '不能', '盡', '錄', '矣']

